

摘藻堂四庫全書薈要

子部

欽定四庫全書薈要卷一萬一千四百八十

子部

御定淵鑑類函卷三十二

地部十

川澤

藪附

湖

川澤一

藪附

增釋名曰川者穿地而流也 周禮地官曰注瀆曰川

爾雅曰水通流曰川 月令章句曰泉流注海曰川

釋名曰下而有水曰澤今兗州人謂澤曰掌水渟處

如掌中也 爾雅曰水所鍾曰澤 文子曰高莫高於

天下莫下於澤天高澤下聖人法之 風俗通曰藪之  
為言厚也有草木魚鼈所以厚養人君與百姓者也  
周禮曰澤無水有草木曰藪藪一作楸 禮運曰麟鳳  
在郊藪 左傳曰山藪藏疾

川澤二 藪附

增尚書禹曰予決九川距四海濬畎澮距川 國語曰

三川竭

河洛伊也

莊子曰禹治名川三百支川三千 妣

已川在靈臺縣舊傳妣已生於此 洋川戚夫人所生

處漢高祖得而寵之夫人思慕本鄉追求洋川之舊高  
帝為驛致長安蠲復其鄉 樊川在西安即樊噲食邑

朔州居延川一名居延澤蘇武嘗囚此 若耶溪旁

有沈釀川舊志鄭弘應舉赴洛親友餞于此 牧馬川

在蜀之雙流縣劉先主置籍田牧馬故名 文川在涇

陽百頃原北水邨花卉遠望如畫乃唐李靖故居 隴

州魚龍川川有五色魚人不敢取即杜詩所云水落魚

龍夜 日斤川係隰州及蒲縣兩界水其水屈曲入黃



河 西陽雜俎云朱崖有一島民苦無井海水鹹不可

飲取草木汁飲之故名木飲川 唐六典云江河之水

自西極達於東溟中國之大川其餘百三十有五水是

為中川其千二百五十有二水是為小川 史記曰舜

漁于雷澤 墨子曰舜漁獲澤 禹貢曰九澤既陂

詩曰東有甫草即圃田澤澤產麻黃草今開封之滎澤

是也 左傳曰董澤之蒲澤在閬喜縣即董氏豢龍處

穆天子傳曰天子北征舍于珠澤 戴延之西征記

曰巨澤魯之西界孔子獲麟處管子曰北澤燒火照

臺下管子曰萬乘之國不可無薪而炊今北澤燒農夫  
得賣其薪莧一束十倍史記曰漢武帝元封四年祠

西時繇回中北出蕭關歷獨鹿鳴澤後漢書云安帝

永初元年以廣成遊獵地假與貧人于時馬融作廣成

頌廣成澤在梁縣郡國志云臨潼南有煮鹽澤符秦

于此煮鹽荆州記曰晉羊祜鎮荆州嘗取江陵澤中

鶴教之翔舞以娛賓客因名鶴澤輿地志曰梓澤在

洛下王城西北與金谷相近 晉書曰陶侃少時漁于

雷澤網得一織梭以置于壁有頃雷雨至化龍去 陶

淵明作彭澤宰故稱陶彭澤 楚有七澤小者雲夢方

九百里 左傳曰邲子之女棄子于夢中無雲字楚子

濟江寢于雲中無夢字是知雲夢乃二澤禹貢爾雅皆

曰雲夢者並舉二澤言之耳舊尚書雲夢土作又唐太

宗得古本作雲土夢作又遂詔從古本 統志曰泗水

縣漏澤其穴有五春夏積水秋冬漏盡 秦州記曰坳

澤河水之所潛也其源渾渾泡泡者也東去玉門陽關  
一千三百里周禮職方九藪揚州曰具區荊州曰雲  
夢豫州曰圃田青州曰望諸兗州曰大野雍州曰弦蒲  
幽州曰獫狁冀州曰陽紆并州曰昭餘祁淮南子曰  
何謂九藪越之具區楚之雲夢秦之陽紆晉之大陸鄭  
之圃田宋之孟諸齊之海隅趙之鉅鹿燕之昭餘原  
爾雅十藪魯有大野晉有大陸秦有陽陝宋有孟諸楚  
有雲夢吳越之間有具區齊有海隅燕有昭餘祁鄭有

園田周有焦護三書所紀數名大同小異

川澤三數附

原為澤

疏川

易兌為澤國語疏川導滯

出雲

鍾水

禮山川出雲

下爾雅見前

通流

畫地

上爾雅見前畫地成川

為稼

采英

禮周

稻人掌稼下地凡稼澤夏以水殄草而芟夷之鄭注以澤為稼

詩彼汾沮洳言采其英

禹決

周竭

上書見前國語三川竭

禹治

秦專

上莊子見前商鞅專川澤之利

秦任

國主

子在

傳國主山川論語子在川上

會海

滌源

吳都賦百川派

別歸海而會書九川滌源

積形

流血

家語川為積形芥時川谷流人血

王

鱗宜

魚逝

大司徒辨五土之物二曰川澤  
動物宜鱗物川涸而魚逝

灌注

沸騰

莊子百川灌注  
詩百川沸騰

增障川

麗澤

韓愈文障百川  
而東之易麗

澤允

沈釀

煮鹽

上川下澤  
並見前

漁雷

飲木

上澤見前  
下川見

前

偽遊

實表

漢高祖偽遊雲夢  
更名戚夫人  
所生洋川鄉曰縣實表誕載之休

原叔在

物歸

詩叔在藪  
語藪物之歸也

十藪

九兩

上爾雅  
見前

周禮九兩繫人九曰藪以富  
得人謂使人富藪中物也

耦耕

藏疾

耦耕幽藪  
下左傳

見前

無水

不崇

上周禮見前  
國語  
不崇藪澤崇高也

增善談

為

謗

晉裴頠善談論時謂言談之  
林藪身居下流為謗藪

原隨山濬

閱水成

書隨山濬川陸機數

以時入

不使居

禮以時入川而不禁

又禮曰聖人所以

傳說濟

辛有適

說命若濟巨川用汝作舟

順山者不使居川

有草木

蓄鳥獸

上詳前數釋名內

見被髮而祭于野者

增賜孟諸

發逢忌

左傳楚子王夢河神謂已

周禮太宰九職四曰數牧養蓄鳥獸

畀子瓊弁子賜汝孟諸之麋

梁惠

川澤四

數附

原利涉大川

易

在地成形

易

設險守國

易王公設險以守其

國

增通氣

易山澤通氣

原川澤訏訏

詩

居民

王制居民川澤

沮

取材用

禮

為下必因

孟子為下必因川澤

川衡掌禁令

掌巡川澤之禁令而平其守見周禮

澤虞掌政令

掌國澤之政令為之厲禁見周禮

增無曲防

齊桓五命

原守萑蒲

左傳澤之萑蒲舟蛟守之

增涸澤之

精

管子曰涸澤數百歲水不絕者生慶忌其狀若人長四寸黃衣黃冠戴黃蓋乘水鳥好疾馳以其名呼之

可使千里外一日反報此涸澤之精也

漁者諫

新序曰晉公逐獸于碭入大澤迷不知所出問

漁者送出澤因以諫公令記其名

原為民

後漢書冲拂為潁川

守劉翊為功曹時楊翟黃網特程夫人權力

增無防

賈讓曰大川無防

原不足衛

蜀都賦山川不足以周衛也

不辭盈

弘海者川



不辭盈

汴

魏武汴秦川而舉旗

臨

文選悟臨川而有悲

懷珠而媚

文選水懷

珠而川媚

朗詠長川

六川

河水赤水遼水黑水江水淮水

八川

涇渭瀾滄

滂滴澧瀉

九澤

見前

七澤

見前

藪澤之利

穀梁築鹿圃山川藪澤之利可

與人共也

增萃淵藪

左傳紂為天下逋逃主萃淵藪

川澤五

藪附

增詩宋楊萬里過雪川大溪詩曰菰蒲際天青無邊只堪蓮蕩不堪田中有一溪元不遠折作三百六十灣政如綠錦地衣上玉龍盤屈於其間前船未轉後船隔前

灣望得到不得及至前灣到得時只與後灣纔咫尺朝  
來已度數百縈問知德清猶半程老夫乍喜擢夫悶營  
有到時君莫問

原賦魏文帝濟川賦曰臨濟川之層淮覽洪波之容裔  
溟騰揚以相薄激長風而亟逝漫浩汗而難測眇不覩  
其垠際於是龜龍神嬉鴻鸞羣翔鱗介霍驛載止載行  
俯唼菁藻仰餐若芳永號長吟延首相望美玉昭晰以  
曜暉明珠灼灼而流光於是遊覽既厭日亦西傾朱旗

電曜擊鼓雷鳴長驅風厲悠爾北征思魏都以偃息託  
華屋而遨遊酌玄清於金壘騰羽觴以獻酬 晉應貞  
臨川賦曰陟繇岡之迢邐臨窈谷之濬遐覽丹源之冽  
泉眷懸流之清波漱玄瀨而漾止順黃崖而蕩搏激重  
巖之絕根拂崇丘之飛甍然後陰渠洞出邊澮旁開倏  
熠高驚皓皓長懷盤溢鬱沒雲轉飈迴屏側為之飛墮  
壁岸為之陂隕列以青林蔭以綠枝檉松蓊茸於其側  
楊柳婀娜乎其下水則高溜承崖懸泉屬嶺別流分注

冰瑩玉靜清波引鏡形無遁影

湖一

原說文曰湖大陂也水澤所仰以灌溉也 廣雅云湖池也 風俗通云湖都也流瀆四面所隈都也 周官揚州其浸五湖按張勃吳錄五湖者太湖之別名其周行五百餘里故以五湖名虞翻又云太湖水通五道謂之五湖或說以太湖射瀆湖上湖洮湖滬湖為五湖按國語吳越戰於五湖直在笠澤一湖中戰耳則知諸說

非也揚州記曰太湖一名震澤一名笠澤一名洞庭

越絕書曰太湖週三萬六千頃在吳興風土記曰陽

羨縣東有太湖中有包山山下有洞穴潛行地中云無  
所不通謂之洞庭地脉也增陸魯望云太湖上稟咸

池五車之氣故一水五名然湖中亦自有五名曰菱湖

游湖莫湖貢湖胥湖原荊州記云宮亭湖即彭蠡澤

也亦謂之彭澤湖一名滙澤青草湖一名洞庭湖凡此

並昭昭尤著又廣大也總記湖名居巢縣有巢湖楊

泉湖 吳郡有臨平湖女墳湖 鄖縣有黃金湖 山

陰有鏡湖廻踵湖蘭湖華湖魚湖山陰湖 漂陽有長

蕩湖 阜陵有麻湖 建業有後湖一名玄武湖又有

蔣陵湖高湖 潯陽有招湖 無錫有射瀆湖尸湖小

湖耆湖乘湖猶湖譙湖雍湖昆湖 江東有渦湖 郢

縣有赤湖 蜀有白羊湖 山陽郡有樊梁湖射陽湖

津湖 新安有白馬湖 常熟有赤山湖夏架湖丹陽

湖張昭湖昭封婁侯又名婁湖又有高平湖太傅湖太

傳即謝安也又有著作簿湖劉南蠻湖侍中湖張侯湖

葛塘湖倪塘湖庾冰湖 東陽有徐湖 永嘉有蔣公

湖 武昌有長湖 琅邪有攝湖 錢塘有明聖湖淮

湖承湖承湖一名詔息湖 京口有醴湖孟佐湖半陽

湖龍目湖刼亭湖新豐湖 吳興有欣湖 武陵有丹

坡湖 始興有滄湖洋湖錡湖梅湖 荊州有大井湖

高沙湖大漚湖馬骨湖支湖陂湖赤湖沔湖 鄆縣有

鄆湖 南康有平湖 豫州有芍陂湖 南越有石湖

鄆春有菜黃湖 曲阿有後湖 增一統志云順天

府治西有太湖南流入洗馬溝與玉淵潭燕家泊諸水  
匯而為西湖 又曰西湖在玉泉山下湖環十餘里荷  
蒲菱芡與沙禽水鳥隱映雲霞中不減江鄉佳境也

金陵記云建業後湖初名北河以壅北山之水劉宋初  
築堤南抵白塘以肄舟師元嘉中乃改名玄武湖週四  
十里水兩派下入秦淮 郡國志曰漂陽長蕩湖一名  
洮湖周處韋昭鄴道元皆以為五湖之一 統志曰射



瀆湖在無錫名無錫湖一名芙蓉湖又或云即上湖

又曰丹陽縣北有後湖即練湖也南徐記晉時陳敏所  
開輿地記云曲阿出名酒皆後湖水所釀故醇冽也

劉楨京口記云龍目湖始皇東巡親相形勢云此有天  
子氣使赭衣徒鑿湖中長岡使斷因改名丹徒 錢塘

記云臨平湖在鹽官亘五十里晉武帝咸寧中有星孛  
于大角占者云吳臨平湖自漢末壅至是當開又云此  
湖開天下寧是歲吳平天下混一 又曰詔息湖去邑

十里故老傳秦始皇巡狩經塗暫憩因名詔息 又曰

明聖湖週遶三十里漢時金牛見湖中以為明聖之瑞  
因稱明聖又以負郭而西稱西湖唐長慶二年白居易  
為杭州刺史築堤捍湖故自段橋至孤山為白公堤吳  
越王時置撈湖兵士千人至宋蘇軾為郡守取葑泥積  
湖中南北徑十餘里為長隄今稱蘇公隄西曰裏湖東  
曰外湖 舊志曰西湖本通海東至沙河塘南向大江  
故始皇東遊泛海艤舟于此今山麓有纜船石 輿地

記曰鏡湖即鑑湖本名慶湖故賀方回號慶湖居士以  
避漢安帝父清河王諱改為鏡或云軒轅得寶鏡於此  
長沙志曰洞庭之水瀦七百里在岳州城西 原荆  
州記曰巴陵有青草湖周廻數百里日月出沒其中因  
湖南有青草山故名 增又統志云青草湖一名巴丘  
湖北連洞庭南接瀟湘東納汨羅之水每秋夏水泛與  
洞庭為一水洄則此湖先乾青草生焉 潯陽記曰彭  
蠡湖在南康府南即今之鄱陽湖 又曰宮亭湖即彭

蠡其名宮亭也或謂因廬山三宮得名按爾雅大山曰  
宮不必盡由三宮矣原裴氏廣州記曰廬山頂有湖  
廣數頃有楊梅山桃止得于上飽噉不得持去鄧德  
明南康記曰平固縣覆笥山上有太湖周數十里靈果  
異物皆不可識又有石鴈浮在湖中每至秋天石鴈飛  
鳴如候時也秦州記曰武都山前有湖冬夏無增減  
義熙初有白龍於此湖升天神異經曰北方荒外有  
石湖其水恒冰又曰亶州有溫湖拾遺記曰負嶠

山有方湖

湖二

增史記曰黃帝登熊湘作咸池樂張于洞庭之野原  
吳錄曰書云三江既入震澤底定震澤吳西南太湖也  
增郡國志云彭蠡湖心有大孤山石高數十丈大禹  
刻石以紀功焉有乞烏隨船行舟人擲搏飯接之高下  
不失一粒吳地記曰吳王葬女取土成湖又郡國志  
云闔閭食蒸魚留半賜三女三女怨自殺王痛之葬於

郭西文石為擲金印玉牒銀樽朱盤悉以送葬因名女墳湖 原風俗通曰越滅吳范蠡乘舟于五湖 增吳錄曰范蠡湖在嘉興府治西南中有西施妝臺遺址相傳即蠡寓處 寰宇記曰車馬湖在如皋相傳范蠡為五湖之遊棄車馬於此岸 原淮南子曰夫歷陽之都一夕反而為湖歷陽淮南國名昔有老嫗常行仁義有兩書生過之謂曰此國當沒為湖視東城門間有血便走上山勿返顧也自爾此嫗數往視聞吏問之嫗對如

其言至暮門吏殺雞以血塗門明日嫗早往視門血便  
走上山國沒為湖 增金陵志曰莫愁湖在石頭城西  
廣可二頃中植芰荷引古樂府莫愁家在石城西之名  
其實莫愁楚產石城楚地也 西京雜記曰會稽人顧  
翽事母至孝母好食彫胡飯躬自採擷還家導水自種  
每有贏儲家亦近太湖湖中後自生彫胡無復餘草郡  
縣表其閭舍 吳地記云當湖在平湖治東周四十餘  
里即漢時陷為湖者亢旱水涸其街陌遺跡隱隱可見

會稽記曰漢順帝永和五年會稽太守馬臻創立鏡

湖在會稽山陰兩縣界築塘蓄水高丈餘周廻三百一

十里溉田九千頃創湖之始多淹塚宅有千餘人怨訴

於臺臻遂被刑於市及臺中遣使按鞠總不見人驗籍

皆死亡人名 神仙傳云東漢時廬山廟有神于帳中

與人言語飲酒投杯能令彭蠡湖中分風船行者舉帆

相逢藥巴為豫章太守未到十數日廟間神不復作聲

建康實錄曰吳孫皓寶鼎元年開城北渠引後湖水



巡繞殿堂窮極伎巧

錢塘記曰石鼓湖在杭州府城

東北桐扣山下晉武帝時岸崩出一石鼓扣之無聲張  
華命取蜀中桐木剡魚形扣之聲聞數里 郡國志曰  
鄞湖在衡州府城東其水湛然綠色取以釀酒極佳晉  
武帝薦之太廟吳都賦飛瓊觴而酌鄞綠即此 寰宇  
記曰倉基湖在宿遷東南周四十五里石崇積貯之倉  
有閘曰石崇閘亦季倫時築以擲木為樁好事者捫拭  
于水猶有鐵環可驗 晉書曰巴丘湖沅湘之會表裏

山川荆蠻之所恃也杜預乃開楊口起夏水達巴陵千  
餘里內瀉長江之險外通郴桂之漕南土歌之曰後世  
無叛由杜翁孰識智名與勇功寰宇記曰迎擔湖晉  
南渡衣冠席捲過江客主相迎行李塞于湖上後人因  
呼迎擔湖又曰千里湖在漂陽東南產蓴菜即陸機  
所謂千里蓴羹末下鹽豉者武昌記曰武昌南湖通  
江夏于時靡所產植陶太尉立塘水自不竭因取琅邪  
郡隔湖菱著湖內菱甚甘美世說曰謝萬經曲阿後

湖問左右此是何水答曰曲阿湖謝曰故當淵注淳著

納而不流 原語林曰褚公與孫綽遊曲阿後湖狂風

忽起舫欲傾褚公已醉乃曰此舫人皆無可以招天譴

者惟有興公多塵滓正當以厭天欲耳便欲捉擲水中

孫逵無計惟大啼曰季野卿念我 述異記曰桓冲為

江州刺史乃遣人周行廬山冀覩靈異既陟崇巘有一

湖匝生桑樹有大羣白鵝湖中有敗舩赤鱗魚 增宋

書曰會稽太守孟顗事佛精懇而為謝靈運所輕東郭

有廻踵湖靈運求決以為田太祖令州郡履行此湖去  
郭近水物所出百姓惜之顓堅執不與靈運既不得廻  
踵又求始寧岬嶂湖為田顓又固執靈運謂顓非存利  
民正慮決湖多害生命言論毀傷遂構讎隙 窮神祕  
苑曰昭明太子薨封墳之際有燕雀數萬銜土以增其  
上墳側有湖後人因名燕雀湖 圖經曰歙縣篁墩湖  
其中有蜃常與呂湖蜃鬪程靈鉞好勇而善射夢蜃化  
為人告之曰吾為呂湖蜃所厄君能助吾必厚報東白

練者吾也明日靈銑彎弧助之正中後蜃不知所之後  
人名其處為蜃灘 唐書曰褚無量字弘度杭州鹽官  
人也幼孤貧勵志好學家近臨平湖時湖中有龍鬬傾  
里閑就觀之無量時年十二讀書晏然不動 又曰賀  
知章天寶初病夢遊帝居數日寤乃請為道士還鄉里  
詔許之以宅為千秋觀而居又求周宮湖數頃為放生  
池有詔賜鏡湖剡溪一曲 李白郎官湖序曰尚書郎  
張謂出使夏口沔州牧杜公漢陽宰王公觴于江城之

南湖方夜月如練清光可掇張公殊有勝槩四望超然  
乃顧白曰此湖古來賢豪遊者非一而枉踐佳景寂寞  
無聞夫子可為我標以嘉名俾傳不朽白因舉酒酌水  
號之曰郎官湖 金陵志曰李白常遊丹陽湖酷愛其  
景乃張帆載酒縱意往來有詩云湖與元氣連風波浩  
難止天外賈客歸雲間片帆起 酉陽雜俎曰歷城北

二里有蓮子湖周環二十里湖中多蓮花魏袁翻曾在  
湖讌集參軍張伯瑜諮公言向為血羹頻不能就公曰

取湖水必成也遂如公語果成時清河王諮公何義公  
曰可思湖目王未解主簿房叔道曰藕能散血湖目蓮  
子故令公思清河歎曰人不讀書其猶夜行二毛之叟  
不如白面書生 搜神記曰廬陵歐明從賈客道經彭  
澤湖每以舟中所有多少投湖中云以為禮積數年忽  
見湖中有大道有數吏乘車馬候明云是青洪君使要  
須臾達見有府舍吏曰青洪君感君前後有禮故要君  
必有重遺君勿取獨求如願耳既見乃求如願青洪君

婢也明將歸所願輒得數年大富 五代史曰唐莊宗

滅梁楚馬殷遣其子希範修貢京師上梁所授都統印

莊宗問洞庭廣狹希範對曰車駕南巡纔堪飲馬爾莊  
宗嘉之 南唐近事曰金陵北有湖周圍數十里幕府

雞籠二山環其西鍾阜將山諸峰聳其左名山大川掩  
映如畫六朝舊跡多出其間一日諸閣老待漏朝堂語  
及林泉之事坐間馮謐舉立宗賜賀監三百里鏡湖信  
為盛事又曰余非敢望此但賜得後湖亦暢得平生徐



鉉怡聲而對曰主上尊賢下士常若不及豈惜一後湖所乏者知章耳馮大有慙色 宋聞人滋南湖記略曰

攜李澤國也東南皆陂湖而南湖尤大計百有二十頃其禽多鴛鴦故名鴛湖又云兩湖相麗若鴛鴦然 原

鄭緝之東陽記曰北山有湖故老傳曰其下居民有徐公者常登嶺見湖水湛然有二人共博于湖間自稱赤松子安期先生有一壺酒因酌以飲徐公徐公醉而寐其側比醒宿草攢蔓其上及抵家而家人已服闋矣今

其處猶名徐公湖 增聞見後錄曰孫何帥錢塘柳耆

卿作望海潮詞贈之內有三秋桂子十里荷花之句此  
詞流播金主亮聞之起投鞭渡江之想命畫工潛入臨  
安圖西湖揭軟屏間貌已像策馬吳山之巔題其上曰  
萬里車書盡會同江南豈有別疆封提兵百萬西湖上  
立馬吳山第一峰紹興淳熙間君相縱逸耽樂湖山無  
復新亭之淚是以論者以西湖為尤物比之西施破吳  
也 癸辛雜識曰庚寅五月連雨四十日浙西之田盡

沒幸而不沒者則大風駕湖水而來田廬頃刻盡邨落  
名之曰湖翻

湖三

原青草

赤沙

上湖名見前

水經曰澧水經南安縣又東與赤沙湖會

荆藪

揚浸

荊州記曰雲夢澤一名巴丘

下見前

芍陂

笠澤

劉澄之豫

州記曰陳縣北有芍陂湖

魏將王陵

縣淪城陷

趙

縣淪城陷

趙

縣淪城陷

與吳將張休交戰處

笠澤即太湖

縣淪城陷

趙

縣淪城陷

趙

吳越春秋曰海鹽縣淪為招湖徙居

武原鄉故越地也

下見前淮南子

魚出

龍升

嘉

記曰蔣公湖有祈禱者湖輒出

大魚與之下見前淮南子

分風起雨

州記

分風起雨

州記

分風起雨

南康仁空山上有平湖湖中編  
底浮在湖面動搖便起風雨

秦憩

范游

並見前敘

三山五渚

豫州記曰城父縣有巢湖周五里  
湖中有三山五渚在洞庭湖

石函

銅斗

吳志曰孫皓時吳郡言臨平湖邊得石函中有  
小石青白色刺上作皇帝字改元為天璽謝

綽宋拾遺曰張永開玄武湖古塚上得一銅斗有柄太  
祖訪之朝士何承天曰此是新威斗王莽時王公亡皆  
賜之一在塚內一在塚外于時江左唯有甄邯為  
太司徒俄而又得一斗復有石書稱甄邯之墓白

鵞

鰕

劉澄之揚州記曰新城縣俱山上有湖湖中  
白鵞十隻時時飛來周景式廬山記曰山

頂有一窮  
湖出鰕鯉

龍目

馬骨

俱湖名  
見前

賣藥

浮舟

劉向  
列仙

傳曰東方朔楚人漢武帝時為郎後有  
見于會稽賣藥五湖下即范蠡事

積水

安流

浮天浴日

增郎官

太傅

俱湖名見前

淪雞

飲

馬

半湯湖可以淪雞下見湖二

乘鯉

射蛟

漢有何氏兄弟九人各乘一鯉仙去今福

建九鯉湖是也見前程靈銃事

三城

五葉

江寧縣西南有湖湖中舊有三少城故名

豫章記張披五葉同居遂名所居一湖曰五葉

長蕩

短汀

上見湖一短汀湖在沔

陽州東

塔影

倉基

塔影湖在泗州倉基湖即石崇建倉處

千里

五

部

千里湖見前湖二五部湖在無錫縣東北東西二十里南北十里源濁流清

原金銀塘

珠玉泉

伏滔登故臺詩序曰夫差姑蘇臺東有丹湖萬頃內有金銀塘陸賈新語曰舜捐珠玉

于五湖之泉以塞邪淫之路

增軒轅鑿

始皇憩

軒轅游蜀見水多下流江湖皆

溢乃鑿湖注水洞庭其一  
也始皇事見前詔息湖

養武士 溺宮人

太子湖一名西

池在金陵城北吳宣明太子所創晉明帝為太子時修  
西池養武士落星湖在彭蠡湖西北宋孟太后過此

宮人舟覆溺者千  
數惟太后舟無虞

千頃練 萬株金

白樂天宿太湖詩浸月冷波千

頃練芭霜新  
橘萬株金

柳姑廟

道士莊

陸放翁鏡湖歌柳姑廟前魚作市道士莊

畔菱為租

狂客詔賜

莘老家居

賀知章號四明狂客詔賜鏡湖剡溪一曲見前

孫莘老家居甓社  
湖陰夜見珠光及第

夢兒亭古

教妓樓新

白香山詩夢兒

亭古傳名謝教妓樓新道姓蘇皆  
西湖上故事謝名客兒蘇稱小小

山川如畫

燕雀

助封

畫 玄武湖山川掩映如  
下見前燕雀湖

十里荷花

三秋桂子

見前

柳耆卿錢塘湖詞

分風為二

劈流成兩

見曹毗彭蠡湖詩

# 湖四

原禦之于笠澤

左傳越伐吳吳子禦之于笠澤即太湖

相忘

莊子曰魚相忘于江

湖

增使其阿曲

曲阿湖本名雲陽秦始皇以為有王氣鑿北阮山截其直道使其阿曲故

曰曲阿也

望五湖

太史公登姑蘇望五湖

原始波

文選洞庭始波木葉微脫

增貢橘

太湖洞庭山產橘白刺史有揀貢橘詩

西施採

李太白詠鑑湖荷花有五月西

施採之句

五月涼

杜工部詩越女天下一白鑑湖五月涼

東灣北塢

白刺史遊太湖

自賜塢入明月灣詩曰湖山處處好淹留最愛東灣北塢頭

草綠裊腰

白刺史杭州望春詩

誰開湖寺西南路草綠裊腰一道斜蓋謂孤山寺路在湖之西南草綠時望如裊腰也

蒸雲夢

撼岳陽

孟浩然洞庭詩氣蒸雲夢澤波撼岳陽城

巴陵漁父

張志和漁歌云青草

湖中月正圓巴陵漁父棹歌連

比西子

蘇太守詩好把西湖比西子淡妝濃抹總相宜

原

銅船

劉欣期交州記曰有一湖去合流北四十里至陰日百姓樵捕見銅船出水上

金牛

見前

西湖

增異螺

范蠡湖產異螺陰雨即紆五采

異蟹

分湖半屬嘉善半屬吳江產異蟹

尤物

南宋紹興淳熙間君相耽樂湖山故論者以西湖為尤物比西子之亡吳寃哉

良將

出

狀元生

進賢縣有日月湖水涸分為二漲則合為一中有一石人灘古諺曰日月湖明良將出

石人灘合狀元生

湖有四白

蜀有白羊湖沔有白鷺湖邳有白鹿湖新安寶應各有白馬湖



原池魚之思

池魚有江湖之思

石雁之候

詳見前

湖五

原詩晉李顥涉湖詩曰旋經義興境頓棹石蘭渚震澤  
為何在今惟太湖浦圓徑縈五百盼目渺無覩高天淼  
若岸長津雜如縷窈窕尋灣漪迢遞望巒嶼驚飈揚飛  
湍浮霄薄懸岨輕禽翔雲漢游鱗憇中潁黯藹天時陰  
宕堯舟航舞馮河安可殉靜觀戒征旅湛方生帆入  
南湖詩曰彭蠡紀三江廬岳主衆阜白沙淨川路青松

蔚巖首此水何時流此山何時有人運互推遷茲氣獨  
長久悠悠宇宙中古今迭先後 宋孝武濟曲阿後湖

詩曰宵登毘陵路旦過雲陽郭平湖曠津濟菰渚迭明  
蕪和風翼歸采夕氛晦山岵驚瀾翻魚藻頽霞照桑榆

謝靈運石壁還湖中作詩曰昏旦變氣候山水含清  
暉清暉能娛人遊子澹忘歸出谷日尚早入舟陽已微  
林壑歛暝色雲霞收夕霏芰荷迭映曖蒲稗相因依披  
拂趨南逕愉悅偃東扉 謝惠連汎南湖至石帆詩曰

軌息陸塗初柶鼓川路始漣漪繁波漾參差層峰峙蕭  
疎野趣生逶迤白雲起登陟苦跋涉瞬盼樂心耳即翫  
翫有竭在興興無已 謝靈運彭蠡口詩曰春晚綠野

秀巖高白雲屯千念集日夜萬感盈朝昏攀崖照石鏡  
牽葉入松門 梁元帝汎蕪湖詩曰桂潭連菊岸桃李  
映成蹊石文如濯錦雲飛似散珪橈度菱根反舩去荇  
枝低颿隨迎雨燕鼓逐伺潮雞 范雲治西湖詩曰史  
氏導漳水西門漑河潮圖始未能悅克終良可要擁錨

勸年首提爵勞春朝平臯草色嫩通林鳥聲嬌已集故

池鶯行蒔新田苗何吁畚築苦方懽魚稻饒 劉孝威

登覆舟山望湖北詩曰紫川通太液丹岑連少華堂皇

更隱映松灌雜交加荇浦浮新葉漁舟繞落花浴童爭

淺岸漂女擇平沙極望傷春日迴車空狹斜 陳陰鏗

渡青草湖詩曰洞庭春溜滿平湖錦颿張沅水桃花色

湘流杜若香穴去茅山近江連巫峽長帶天澄迥碧映

日動浮光行舟逗遠樹度鳥息危檣滔滔不可測一葦

詎能航 劉刪汎宮亭湖詩曰迴艫乘派水舉帆逐分

風滉漾疑無際飄揚似度空檣烏排鳥路船影沒河宮

孤石滄波裏匡山苦霧中寄言千金子安知萬里蓬

增唐李白登巴陵望洞庭詩曰清晨登巴陵周覽無不

極明湖映天光徹底見秋色秋色何蒼然際海俱澄鮮

山青滅遠樹水綠無寒煙來帆出江中去鳥向日邊風

清長沙浦霜空雲夢田瞻光惜頽髮閱水悲徂年北渚

既蕩漾東流自潺湲郢人唱白雪越女歌採蓮聽此更

腸斷憑崖泪如泉

韓愈登岳陽樓詩曰洞庭九州間

厥大誰與讓南匯羣崖水北注何奔放瀦為七百里吞  
納各殊狀自古澄不清環混無歸向炎風日搜攬幽怪  
多冗長軒然大波起宇宙隘而妨巍莪拔蒿華騰躍較  
健壯聲音一何宏轟磕車萬兩猶疑帝軒轅張樂就空  
曠蛟螭露筍簾縞練吹組帳鬼神非人世節奏頗跌蕩  
陽施見夸麗陰閉咸悽愴朝迴宜春口極地缺隄障夜  
纜巴陵州叢芮纔可傍星河盡涵泳俯仰迷下上餘瀾

怒不已喧聒鳴甕盎明登岳陽樓輝煥朝日亮飛廉戢  
其威清晏息纖纒泓澄湛凝綠物影巧相況江豚時出  
戲驚波忽蕩漾 趙冬曦秋夜遊澠湖詩曰政理常多

暇方舟此汭洄吹笙虛洞答舉楫便風催山暗雪猶辨  
潭幽月稍來清溪無數曲未盡莫先回 宋之問泛鏡

湖南溪詩曰乘興入幽棲舟行日向低巖花候冬發谷  
鳥作春啼沓嶂開天小叢篁夾路迷猶聞可憐處更在  
若耶溪 盧處約題太湖詩曰三萬六千頃湖浸海內

田逢山方得地見月始知天南國吞將盡東溟勢欲連  
何當洒為雨無處不豐年 白居易錢塘湖春行詩曰  
孤山寺北賈亭西水面初平雲脚低幾處早鶯爭暖樹  
誰家新燕啄春泥亂花漸欲迷人眼淺草纔能沒馬蹄  
最愛湖東行不足綠楊陰裏白沙堤 又西湖晚歸回  
望孤山寺贈諸客詩曰柳湖松島蓮花寺晚動歸橈出  
道場盧橘子低山雨重棕櫚葉戰水風涼煙波澹蕩搖  
空碧樓殿參差倚夕陽到岸諸君回首望蓬萊宮在水



中央 又春題湖上詩曰湖上春來似畫圖亂峰圍繞

水平鋪松排山面千重翠月點波心一顆珠碧毯線頭

抽早稻青羅袞帶展新蒲未能拋得杭州去一半勾留

是此湖 杜甫過南嶽入洞庭湖詩曰洪波忽爭道岸

轉異江湖鄂渚分雲樹衡山引軸轡翠芽穿裊蔣碧節

吐寒蒲病渴身何去春生力更無壤童犂雨雪漁屋架

泥塗欹側風帆滿微冥水驛孤悠悠迴赤壁浩浩略蒼

梧帝子留遺恨曹公屈壯圖聖朝光御極殘孽駐艱虞

才淑隨廝養名賢隱鍛鑪邵平原入漢張翰後歸吳莫  
怪啼痕數危檣逐夜烏 孟浩然遊鏡湖寄包賀二公  
詩曰試覽鏡湖物中流見底清不知鱸魚味但識鷗鳥  
情帆得樵風送春逢穀雨晴將探夏禹穴稍背越王城  
府掾有包子文章推賀生滄浪醉後唱因子寄同聲  
白居易汎太湖詩曰煙渚雲帆處處通飄然舟似入虛  
空玉盃淺酌巡方匝金管徐吹曲未終黃夾纈林寒有  
葉碧琉璃水淨無風避旗飛鷺翩翻白鷺鼓躍魚跋刺

紅澗雪壓多松偃蹇巖前滴久石玲瓏書為故事留湖  
上吟作新詩寄浙東軍府威容從道盛江山氣色定知  
同報君一事君應羨五宿澄波皓月中 賈至與李十

二白同泛洞庭湖詩曰楓岸紛紛落葉多洞庭秋水晚  
來波乘興輕舟無近遠白雲明月弔湘娥 李白和詩

曰洞庭西望楚江分水盡南天不見雲日落長沙秋色  
遠不知何處弔湘君 宋蘇軾懷西湖詩曰西湖天下

景遊者無愚賢深淺隨所得誰能識其全嗟我本狂直

早為世所捐獨專山水樂付與寧非天三百六十寺幽  
尋遂窮年所至得其妙心知口難傳至今清夜夢耳目  
餘芳鮮君持使者節風采爍雲煙清流與碧巘安肯為  
君妍胡不屏騎從暫借僧榻眠讀我壁間詩清涼洗煩  
煎策杖無道路直造意所便應逢古漁父葦間自負緣  
問道若有得買魚弗論錢 陸游思故山鏡湖詩曰千  
金不須買畫圖聽我長歌歌鏡湖湖山奇麗說不盡且  
復為子陳吾廬柳姑廟前魚作市道士莊畔菱為租一

灣畫橋出林薄兩岸紅蓼連菰蒲陂南陂北鴉陣黑舍  
東舍西飄葉赤正當九月十月天放翁艇子無時出船  
頭一束書船後一壺酒新釣紫鰕魚旋洗白蓮藕從渠  
貴人食萬錢放翁癡腹常便便暮歸稚子迎我笑遙指  
一抹西邨煙 蘇舜欽望太湖詩曰杳杳波濤閱古今  
四邊無際莫知深潤通曉月為清露氣入霜天作暝陰  
笠澤魚肥人膾玉洞庭柑熟客分金風煙觸目相招引  
聊為停橈一楚吟 歐陽修西湖泛舟呈運使學士張

揆詩曰波光柳色碧溟濛曲渚斜橋畫舸通更遠更佳

唯恐盡漸深漸密似無窮綺羅香裏留佳客絃管聲來  
颺晚風半醉迴舟迷向背樓臺高下夕陽中 林逋西

湖詩曰混元神巧本無形匠出西湖作畫屏春水淨於  
僧眼碧晚山濃似佛頭青藥櫺粉堵搖魚影蘭杜煙叢  
閣鷺翎往往鳴榔與橫笛細風斜雨不堪聽 秦觀遊

鑑湖詩曰畫舫珠簾出繚牆天風吹到芰荷裳水光入  
座杯盤瑩花氣侵人笑語香翡翠側身窺綠酒蜻蜓偷

眼避紅妝葡萄力緩單衣怯始信湖中五月涼 明高

啓太湖詩曰長溪如白虹分走荆雲派具區納羣流襟  
帶三郡界太虛混鴻濛元氣流沆瀣初疑溟渤寬稍覺  
雲夢隘茫茫雁飛遲颼颼帆度快雨來鼉報鳴風起鷗  
驚邁神龍作淵都豈復數鱗介珠光照水府不受白日  
曬朝看砲車雲雲浪動澎湃聲吹地將浮勢擎山欲壞  
黃頭雖輕生捩舵不敢懈有時湛明鏡峰吐青幾塊煙  
中樹若莎波上舟如芥魚就沙岸炊客來水祠拜震澤

思禹功夫椒記吳敗白魚逢夏出黃柑待秋賣我性好  
遊觀夙負雲水債欲尋鷗羣舸不顧涉險戒人生亦何  
為世故自拘械萬事風飄花百年露垂籬何當叩林屋  
秉炬訪仙怪試探不死方為人起痾瘵 郭武晚渡白  
馬湖詩曰輕風小寒吹浪花新柳茸茸啼乳鴉平湖一  
望幾千頃遠水連天飛落霞斜陽忽墮澄波底白鳥猶  
明山色裏嚴更何處鼓鼙鼙櫓歌未斷漁燈起 陳叔  
紹丹陽湖詩曰積水涵太虛一望何瀾瀾風瀾漾輕縠



霞光映文綺遙山鳥外橫孤棹沙邊艤漁家夜語聲深  
在蘆花裏

原賦吳楊泉五湖賦曰余觀夫主五湖而察其雲物皇  
哉大矣以為名山大澤必有記頌之章故梁山有奕奕  
之詩雲夢有子虛之賦夫具區者揚州之澤數也有大  
禹之遺跡疏川導滯之功而獨闕然未有翰墨之美余  
竊憤焉敢忘不才述而賦之其辭曰濬矣大哉於此五  
湖乃天地之元源陰陽之所徂上值箕斗之精與雲漢

乎同模受三方之灌溉為百川之巨都居揚州之大澤  
苞吳越之具區南與長江分體東與巨海合流太陰之  
所必元靈之所遊追湖水而往還通蓬萊與瀛洲爾乃  
詳觀其廣深之所極延袤之規方邈乎浩浩漫乎洋洋  
西合乎濛汜東苞乎扶桑日月於是出入與天漢乎相  
望左有包山連以醴瀆峯嶺崔嵬穹窿紆曲右有平原  
廣澤蔓延旁薄原隰陂阪各有條格茹蘆葦亂隱軫肴  
錯衝風之所去零雨之所薄 增唐陸贄月臨鏡湖賦

曰月配陽含虛而明湖止水體柔而平光無不臨故麗  
天並耀清可以鑒因取鏡表名月包陰以成象水稟月  
而為精兩氣相合實不入而疑入二美交映伊本清而  
又清色皎潔而秋天愈靜波演漾而宵風乍輕類泗濱  
之磬見疑合浦之珠明至明洞幽至清無垢同位澤無  
遠不遍等達人以虛而受滿不可恃望之足戒以虧盈  
形或未分鑒之則辨其妍醜輕靄不起纖塵莫過沈璧  
彩而為鏡碎金輝以成波皓質未判空聞田鶴之唳香

風乍度暗傳蓮女之歌萬象皆總湛清光而不動極望  
靡窮凝虛皓而如空照同心千里之外洞遊鱗百丈之  
中棹影乍浮如上天邊之漢桂華不定多因蘋末之風  
原祭文隋盧思道祭灤湖文曰維開皇元年十二月朔  
甲子具位姓名遣某官以清酌庶羞之饋敬祭灤湖之  
靈曰泱泱澄湖南服之紀斜通海甸旁帶江汜深過百  
仞潤踰九里彭蠡莫儔具區非擬揚越不庭多厯年紀  
王師薄伐六軍戾止戒期指日馬首欲東常陰作沴零

雨其濛水氣朝合天雲夜同申之苦霧繼以嚴風塗泥  
已甚軌躅不通有稽天罰用沮元戎唯夫百神受職水  
靈為大皇王御宇率土無外當使日月貞明天地交泰  
雨師止其淋瀝雲將卷其蔚蒼東渡戈船南聳鵬旆收  
尉佗之黃屋納孫皓之青蓋然後草車旋軫戎卒凱歌  
楚俘霧集冀馬星羅無德不報有酒如河神之聽之斯  
言匪蹉

增記唐樊珣絳巖湖記曰句容西南三十三里曰赤山

天寶中改為絳巖山以文變質也出外周流厥有湖塘  
舊址考於前志則曰吳人創之梁人通之矣洎金火有  
變積為習坎灌莽之所我唐麟德歲邑宰楊嘉延亦纂  
前服利農為名楊氏之後又餘百年實滋菰蒲莫植粳  
稻大厯十二紀縣大夫兼大理司直太原王公昕能蘇  
罷勞且易弊俗臨湖而歎吟使臣之清風酌良牧之高  
課將圖永逸匪顧暫勞因察其地形訪以輿誦謀始作  
則定徒撰工月在休農雲其荷鍤周匝百頃蓄為湖塘

置兩斗門用以為節旱暵則決而全注霖潦則瀦而不  
流收功濟時道甚明遠開田萬頃贍戶九鄉洎成奧區  
頗無凶歲魚稻之盛公實為之昔叔敖芍陂能張楚國  
史起漳水竟富魏邦秦稱鄭國漢歌邵杜皆謂是也每  
商羊罷舞龍見而雩比屋有憂於銷鑠連阡莫覩於耕  
耨此則黛波齋淪白鳥飛滅下洞庭之鳬雁泳中流之  
鱸鮑橫塘之右構為新亭芬其芰荷樹以杞柳楊楚江  
嶺憧憧是途行李實獲於蔭庥歌詠或藉於觀覽懿乎

哉君子之用心也孰愈崇其島榭侈以林堂此而莫文  
翰墨奚述大厯十二年十月三日記



御定淵鑑類函卷三十二

謹案卷三十一第一頁前六行懸出下出也刊本

脫上出字據爾雅增

第八頁後六行黑蜥躍重泉刊本泉訛石據文選  
改

第十頁後七行山中人兮芳杜若刊本脫芳杜若  
三字據楚辭增

第二十八頁前三行山間水湧刊本水湧訛湧水  
據庾信集改

第二十八頁後四行韓詩說曰刊本說曰訛曰說

今改

第三十四頁後八行步騎踐冰而行刊本冰訛兵

據上下文改

卷三十二第二十四頁前六行沅水桃花色刊本

沅訛源今改



總校官庶吉士臣張能照

校對官編修臣朱攸

謄錄監生臣呂燕昭

謄錄舉人臣王嵩齡

欽定四庫全書叢要

子部

御定淵鑑類函卷三十三

欽定四庫全書薈要卷一萬一千四百八十一

子部

御定淵鑑類函卷三十三

地部十一 陂 池 谿 壑

陂一

增說文曰陂阪也一曰池也 禮月令曰畜水曰陂

原毛詩曰彼澤之陂有蒲與荷 淮南子曰譬若同陂

而溉田其愛水均也 增孫子海人曰橫海有魚一吸

萬頃之陂 原續漢書曰郭泰入汝南交黃叔度至南

州先過袁奉高不宿而去從叔度累日或以問泰泰曰  
袁奉高之器譬諸汎濫雖清而易挹也叔度之器汪汪  
若萬頃之陂澄之而不清混之而不濁不可量也 增

夢溪筆談曰瓦橋關北與遼人為隣素無關河為阻往  
歲天宅使何承矩守瓦橋始議因陂澤之地潑水為塞  
欲自相視恐其謀泄日會僚佐汎船置酒賞蓼畫以為  
圖人莫喻其意自此始壅諸淀熙寧中又開徐邨柳莊  
等灤皆以徐鮑沙唐等河叫猴雞距五眼等泉為之原

東合滹沱漳淇易白等水并大河於是自保州西北沈  
遠灤東盡滄州泥枯海口幾八百里悉為淤潦濶者有  
及六十里者至今倚為藩籬 老學庵筆記曰陂澤近  
時最多廢吾鄉鏡湖三百里為入侵耕幾盡閬州南池  
亦數百里今為平陸墳墓千計雖欲疏濬復其故亦不  
可得又非鏡湖之比成都摩訶池嘉州石堂谿之類蓋  
不足道長安民契券至有云某處至花萼樓某處至含  
元殿者蓋盡為禾黍矣而興慶池偶存十三至今為吊



古之地

陂二

增皇覽曰楚大夫子思造芍陂 淮南子曰孫叔敖作

期思之水灌雩婁之野期思即芍陂也 水經注云淝

水東北逕白芍亭下東注為湖故名芍陂 九域志曰

雞陂在蘓州齊門外吳王畜雞城也 戰國策曰荆軻

奉燕督亢地圖以獻秦王督亢陂在涿州其地沃美

原史記曰高祖母曰劉媪常息大澤之陂夢與神遇

增漢書云江都王建游雷陂使郎二人乘小舟入陂中  
船覆兩郎溺攀舟乍見乍沒建臨觀大笑註曰即雷塘  
也 通典曰漢元帝建昭中召信臣為南陽太守于穰  
縣南造鉗盧陂開六石門以節水勢杜詩為守復修其  
業民歌曰前有名父後有杜母 漢書曰汝南舊有鴻  
郤大陂郡以為饒成帝時關東數水波溢為害丞相翟  
方進以為決去陂水其地肥美遂奏罷之王莽時苦旱  
郡中追怨方進童謠曰壞陂誰翟子威飯我豆食羹芋

魁反乎覆陂當復誰 後漢書云建武中太守鄧晨使

許陽為都水掾復修鴻却陂陽曰昔成帝夢上天天帝

怒曰何故壞我濯龍淵今明府興立廢業願效死力數

年陂成 又謝承後漢書曰人有譖陽取錢者晨繫陽

于獄戶自開械自釋出獄日暮陂上火光引前清德之

感也 原漢宮殿疏曰雁鵞陂溉地六頃承昆明池下

流 抱朴子曰葛仙公每飲酒醉常入家門前陂水中

卧竟日乃出 增神仙傳曰壺公以竹杖與費長房長

房投杖葛陂成龍東漢置葛陂縣旋廢 原魏略曰明

帝出次摩陂有龍見於井中帝出觀因改摩陂為龍陂  
增異苑曰東鄉太湖吳時軍士五百人將破堰先以  
酒肉祈神夜夢人云塘水速竭若見巨鱗慎勿殺也又  
有銅釜並不可發明往決水得白魚剖之見昨所祭餘  
食充溢腸內須臾復得釜又取發水便暴出五百人一  
時沒溺唯督監得存今名此湖為五百陂 原汝南先  
賢傳曰鄭敬去吏隱居于蟻陂之陽以漁釣自娛彈琴

詠詩常方坐於陂側 襄陽耆舊傳曰宜城縣東北角

有熨斗陂 增唐志鄭州管城縣有僕射陂後魏孝文

賜僕射李冲因以為名 長安志曰漢陂出終南山諸

谷合胡公泉為陂陂產五味魚甚美因誤名之唐寶曆

間令尚食禁採捕其水仍令百姓灌溉 西陂見杜甫

詩為愛西陂好 教坊記云唐教坊前月陂形如偃月

陂三

增畜雞 放鶴上見陂二 放鶴陂在武岡州梁崔穆  
于此籠得白鶴放去化為白鷺一隻

鴈鶩

鷓鴣

上見陂二  
內黃縣最饒

魚蒲之利

原奏罷

修

復鴻却陂西漢翟方進奏罷

貫貸

引灌

寧成曰仕  
不至二千

石賈不至千萬安可比人乃貫貸陂田千餘頃假貧人役使數千家張禹為下邳守引灌蒲陽陂率吏人假

與糧種隣郡貧者歸之

增投杖

禁魚

費長房投杖成龍見前  
葛陂漢陂禁民間漁

見前

游雷

偃月

並見前  
陂二

原無漉

月令無  
漉陂池

不清

澄之

增獻督亢

造鉗盧

二陂俱  
見前

賜僕射

記大

農

上見陂二  
南陵縣大農陂記

穿渠溉田

負土種稻

晉青  
龍元

年穿城固渠臨陂溉田數千餘頃魏志夏侯惇為濟陽守斷大水作陂自負土率將士種稻人賴其利

泛漢吟雕

名魚號鄭

岑參杜甫俱有汎漢陂詩黃庭堅作雕陂歌

魚君陂在任

丘縣唐令魚思賢鑿故名魚君三國記太守鄭渾築陂故號鄭陂

陂四

增九澤既陂

禹貢障也

愛其功敬其事

愛敬陂在揚州方圓百里本魏廣陵

守陳登所設時人愛其功敬其事故以名之

原斷水為陂

魏夏侯惇事見前陂三

穿渠築陂

晉青龍中事見前陂三

增方梁石洫

汝南多陂池歲決壞費二千餘

萬鮑昱為太守作方梁石洫水常饒足溉田數倍

飛陂

朝野僉載曰秦州數子店南西陂白日飛

陂四五里陂上桑畦麥隴依然不動

白笥長嘯

李白遊白笥陂詩曰白笥夜長嘯爽然溪谷寒

陂塘五百九十八所

韋丹為江南西道觀察使凡為陂塘五百九十八所灌田萬千

項

陂陀臺榭

左僕射劉仁軌謂御史狄仁傑曰古天子陂陀臺榭皆深宮複禁不欲百姓見

之恐傷其心而今列岸侈廊亘王城之外豈愛君哉

印文三百里

宋黃庭堅雕陂詩曰雕陂

之水清且泚屈為印文三百里

田頭春新穀

王庭珪寅陂詩田頭已打新春穀

## 陂五

原詩魏文帝於玄武陂作詩曰兄弟共行遊驅車出西

城野田廣開闢川渠互相經黍稷何鬱鬱流波激悲聲

菱芡覆綠水芙蓉發丹榮柳垂重陰綠向我池邊生乘



渚望長洲羣鳥謹譁鳴萍藻汎濫浮澹澹隨風傾 增

唐杜甫漢陂西南臺詩曰高臺面蒼陂六月風日冷蒹葭離披去天水相與永懷新目似擊接要心已領彷彿識鮫人空蒙辨魚艇錯磨終南翠顛倒白閣影齒萃增光輝乘凌惜俄頃勞生媿嚴鄭外物慕張邴世復輕驂騑吾甘雜鼃黽知歸俗可忽取適事莫並身退豈待官老來苦便靜况資菱芡足庶結茆茨迥從此具扁舟彌年逐清景 李白遊秋浦白筓陂詩曰白筓夜長嘯爽

然溪谷寒魚龍動陂水處處生波瀾天借一明月飛來  
碧雲端故鄉不可見腸斷止西看 杜甫漢陂行曰岑  
參兄弟皆好奇携我遠來遊漢陂天地慘黯忽異色波  
濤萬頃堆琉璃琉璃漫汗泛舟入事殊興極憂思集  
作鯨吞不復知惡風白浪何嗟及主人錦帆相為開舟  
子喜甚無氛埃鳬鷺散亂棹謳發絲管啁啾空翠來沉  
竿續蔓深莫測菱葉荷花靜如拭宛在中流渤澥清下  
歸無極終南黑半陂已南純浸山影動裊窕冲融間船

舳舻憂雲際寺水面月出藍田關此時驪龍亦吐珠馮

彝擊鼓羣龍趨湘妃漢女出歌舞金支翠旗光有無咫尺

但愁雷雨至蒼茫不曉神靈意少壯幾時柰老何向

來哀樂何其多岑參與鄠縣羣官泛漢陂詩曰萬頃

浸天色千尋窮地根舟移城入樹岸濶水浮邨閒鷺驚

簫管潛蚪傍酒樽暝來呼小吏列火儼歸軒又與源

少府泛漢陂詩曰載酒入天色水涼難醉人清搖縣郭

動碧洗雲山新吹笛驚白鷺垂竿跳紫鱗憐君公事後

陂上日娛賓 王維泛前陂詩曰秋空自明迥况復遠

人間暢以沙際鶴兼之雲外山澄波淡將夕清月皓方  
間此夜任孤棹曩猶殊未還 宋黃庭堅雕陂詩曰雕

陂之水清且泚屈為印文三百里呼船載過七十餘寨  
裳亂流初不記竹輿嘔啞山徑涼僕姑呼婦聲相倚篁  
中猶道泥滑滑僕夫慘慘耕夫喜窮山為吏如漫郎安  
能為人作嚆矢老僧迎謁喜我來吾以王事篤行李知  
民虛實應縣官我寧信目不信耳僧言生長八十餘縣

令未曾身到此 王庭珪寅陂行詩曰安成城頭烏夜

宿啼烏未起雞登木傾邨入城來送君馬首摩肩袂相  
屬但有龐首不識名何物老翁出山谷老翁持酒前致  
詞家住西邨大江曲大江兩岸皆腴田古有寅陂置官  
屬自從陂廢田亦荒官中無人開舊瀆公泐故道堰橫  
流陂傍秔稻年年熟今年雖旱翁不憂田頭已打新春  
穀誰云此陂會當復老父曾聞兩黃鵠嗟哉如君不負  
承躬行阡陌勸農耕監司項背只相望風謠滿路胡不

聽胡不聽寅陂行為扣天閤叫一聲

原銘晉張載洪池陂銘曰開源東注出自城池魚鼈熾  
殖水鳥盈涯菱藕狎鴛鴦稻連畦漸臺中起列館參差  
惟水泱泱厥大難訾

增記唐梁肅通愛敬陂水門記曰歲在戊辰揚州牧杜  
公命新作西門所以通水庸致人利也當開元以前京  
江崖於揚子海潮內于邗溝過茱萸灣北至邵伯堰湯  
湯渙渙無隘滯之患其後江派南徙波不及遠河流浸

惡日淤月填長民者時興開鑿隨導隨塞百有餘年矣  
公相川源度水勢自江東而西循蜀岡之右得其浸曰  
句城湖又得其浸曰愛敬陂方圓百里圖以上聞帝用  
嘉允乃召工徒修舊防節以斗門醴為長源直截城隅  
以灌河渠水無羨溢道不廻迂於是漕輓商旅以通其  
夾隄之田旱暵得其溉霖潦得其歸化磽薄而為膏腴  
者不知幾千萬畝野人誦曰撫撫原田自今以始歲其  
豐年都人誦曰沔彼流水我邦是紀鍾美不知按陂塘

本魏廣陵守陳登所設時人愛其功而敬其事故以名之韋瓘南陵縣大農陂記曰先時縣有廢陂曰大農積歲不理空規殘狀非鄉黨之壽耆不可欺識范君乃召鄉老里正尹而計之具畚揭列綆鍤鑿礮礮堅披材輦壤日必巡丈周察勢便法以督姦勤以勸勞於是斬莽闢蕪撥腐曝淤事於農隙三旬而畢其大也驅江波六十里闢荒梗數萬畝厥功既成乃有風雨暴鬬虺虺沸會似聞構作及乎雨斬雲除則沙洲突出力捍嶺下



信為神物所相雖使江河合災驚濤稽山大浸崩驅暴  
猛來敵亦不能軼峻防而侵厚趾其或火雲熱天旱魃  
為虐而翠瀲搖岸澄瀾浴月溶溶浩浩獨落天光貫畦  
浮塍卒歲之溉千頃豈為多哉

池一

增孔安國曰渟水曰池圓曰池方曰沼 原毛詩曰東  
門之池可以漚麻 又曰王在靈沼於物魚躍 增莊  
子曰南溟者天池也 淮南子曰日出于暘谷入于咸

池 又曰陰氣極則下至黃泉故不可鑿池穿井 原

顧子曰與子華遊東池子華曰水有四德池為一焉沐

浴羣生澤流萬世仁也揚清激濁滌蕩塵穢義也弱而

能勝勇也導江疏河變盈流謙智也顧子曰我得汝於

池上矣 逸士傳曰堯讓天下於許由許由逃巢父聞

之洗耳於池 六韜曰殷君喜為酒池迴船糟丘 增

呂氏春秋曰衛靈公天寒鑿池宛春諫曰天寒公曰天

寒乎宛春曰公衣狐裘坐熊席陬隅有竈是以不寒

左傳曰晉人謀去故絳諸大夫皆曰必居郇瑕氏之地  
沃饒而近鹽注鹽產鹽池也 又昭公十九年鄭大水  
龍鬪國人請禁焉子產曰我鬪龍不我覲也龍鬪我獨  
何覲焉固不許後人呼其處為蛟龍池 春秋曰哀公  
十三年公會晉侯吳子於黃池 原漢書曰賈山奏事  
吳王曰吳有諸侯之位而實富於天子游曲臺臨上路  
不如朝夕之池 增又曰宣帝詔曰池籞未御幸者假  
與貧民 又曰宣帝神爵元年金芝生於涵德殿銅池

中 後漢書云馮異上光武書曰始雖垂翅迴谿終能奮翼澠池 晉書曰荀勗久在中書專管機事失之甚快快或有賀之者勗曰奪我鳳凰池諸君何賀也 又

晉王羲之書曰張芝臨池學書池水盡黑使人耽之若是未必後之也 唐書曰杜亞拜淮南節度使泛九曲

池曳繡為帆詫曰要當稱是林沼李衡曰未有錦纜云何亞大慙 酉陽雜俎曰蜀將軍皇甫直別音律好彈琵琶元和中嘗造一調乘涼臨水池彈之本黃鐘而聲

入蕤賓因更弦再三奏之聲猶蕤賓也隔日又奏於池  
上聲如故試彈於他處則黃鐘也直因調蕤賓夜復鳴  
彈於池上覺近岸波動有物激水如魚躍直遂集客車  
水竭池索之泥下丈餘得鐵一片乃方響蕤賓鐵也

原總裁池名 紂有酒池 穆天子西征有元池瑤池

樂池與西王母宴所 齊景公有昭華池 秦有蘭池

鎬池 漢有建章宮太液池中築方丈瀛洲象海中神

山春二月黃鵠下池中 未央宮有滄池中築漸臺王

莽死其上 漢上林有池十五所承露池昆靈池池中  
有倒披蓮連錢荇浮浪根菱天泉池上有連樓閣道中  
有紫宮戟子池龍池魚池牟首池崩池菌鶴池西陂池  
當路池東陂池太乙池牛首池積草池池中有珊瑚高  
丈二尺一本三柯四百六十條尉佗所獻號曰烽火樹  
糜池舍利池百子池七月七日臨百子池作于闐樂樂  
畢以五色縷相繫謂為相連愛 東漢有九龍池御龍  
池靈芝池白石池濯龍池天泉池 魏在鄴有淶水池

瓊華池疏圃池玄武池靈芝池在洛有天淵池池中築  
九華臺流杯池幽泉池陰流池鳴鶴池 吳有太子池

孫權子和築至晉明帝呼為太子池 西晉有舍利池

都亭池靈芝池濛汜池張載作賦者潛靈池淶池 東

晉有清游池流杯池 宋有天淵池華林池池有雙蓮

同榦芙蓉異花並蒂 後梁有靈泉池 後魏有鴻雁

池流化池 後燕有清淨池 前梁有閒豫池池有龍

影五彩遂鑄銅龍於其上 南燕有申池 赫連勃勃

有淶漣池 大梁有蓬池 襄陽有習池 山簡所遊者

荊州有蔡子池 臨沅縣有明月池 益州有萬歲

池 天井池 千秋池 雙龍池 邛池 洺州有干將池 華曲

池 於潛有蛟龍池

## 池二

增史記封禪書曰豐鎬有天子辟池 索隱曰即周天子  
辟雍之地 原穆天子傳曰天子西征至于玄池 天子  
三日休于玄池之上 乃奏廣樂而歸 是曰樂池 又曰



天子觴西王母于瑤池之上西王母為天子歌白雲之

謠 增史記曰秦始皇三十六年有人持辟遮使者曰

為我遺鎬池君 又曰秦始皇微行夜出逢盜蘭池

三秦記曰秦始皇作長池引渭水東西二百里南北二

十里築土為蓬萊山刻石為鯨魚長二百丈 漢書曰

昆明有滇池方三百里漢將伐昆明以通身毒使謫卒

伐棘上林象滇作昆明池以習水戰昆明池中有二石

人如牽牛織女有戈船樓船各數百艘 又漢武鑿昆

明池極深悉是灰墨無復土問東方朔答曰可問西域  
胡人後有西域來者問之曰天地大劫將盡則劫燒此  
劫燒之餘灰也拾遺記曰漢武引太液之水更穿淋  
池時命水嬉製汎洪波折菱荷曲使宮人歌之太平  
寰宇記曰武帝作酒池以誇羌胡飲以鐵杯重不能舉  
皆抵牛飲西京雜記曰梁孝王作兔園園有雁池池  
中有鶴洲鳬渚奇果異樹瑰禽怪獸畢備王日與宮人  
及賓客弋釣其中琅嬛雜記曰倉公夢遊蓬萊山見

宮室崔嵬金碧璀璨忽一童子以杯水進倉公飲畢五  
內寒徹仰首見殿榜曰上池仙館始知飲乃上池水也  
由是神於胗脉 寰宇記曰渥洼池在黎州蠻部內池  
產龍馬 又曰彈子池在南陽相傳光武彈蛙于此池  
至今不鳴 水經注云蔡州西蔡倫故宅傍有蔡子池  
倫漢黃門郎順帝之世始擣故魚網為絇用代簡素  
益州記曰三雅池在閬中昔有人于此得三銅器狀如  
杯盞上各有篆字一曰伯雅二曰仲雅三曰季雅魏文

典論曰靈帝末斗酒直萬錢劉表一子好飲乃製三爵  
大曰伯雅注一斗次曰仲雅注七升小曰季雅注五升  
今池所得乃劉氏酒器也 原魏氏曰黃初三年穿靈  
芝池四年有鵜鶘集池上詔曰詩人所謂汙澤也曹詩  
刺共公遠君子而近小人豈有賢智之士處於下位乎  
否則斯鳥何為而至 增文選曰魏文帝夜游西園于  
芙蓉池作詩 郡國志曰浣筆池在沂州舊傳王羲之  
浣筆處 綱目集覽云望江縣王祥池雖極凍其中有

人形 原襄陽記曰漢侍中習郁于峴山南大魚池依

范蠡養魚法種楸梧芙蓉菱芡山季倫每臨此池輒大

醉而歸恒曰此我高陽池也城中小兒歌之曰山公何

所往來至高陽池日夕倒載歸酩酊無所知 增列仙

傳云葛洪經贛州興國縣境見山靈水秀遂結廬築壇

鑿池洗藥

至今茲池名洗藥

留詩曰陰洞泠泠風佩清清仙居

永劫花木長榮 統志云貴池在池州梁昭明太子以

其魚美封為貴池 世說云遼州漚麻池石勒嘗與李

陽爭此地及勒為王引陽語云孤往日厭卿老拳卿亦飽孤毒手益州記曰摩訶池在成都隋蜀王秀取土築廣子城因為池有胡僧見之曰摩訶宮毗盧蓋梵語呼摩訶為大宮毗盧為龍謂此池廣大有龍耳魏徵

本傳曰太宗宴羣臣積翠池酣樂賦詩魏徵賦西漢其卒章曰終藉叔孫禮方知皇帝尊帝曰徵言未嘗不約我以禮劇談錄曰曲江池本秦隄洲開元中疏鑿煙水明媚中和上巳之節綵幄翠幃匝於堤岸京兆府大

陳筵席長安萬年兩縣以雄盛相較百辟會於山亭恩  
賜太常及教坊聲樂池中備綵舟數隻唯宰相與翰林  
學士登焉每歲傾動皇州以為盛觀 明皇雜錄曰祿  
山犯闕王維等為賊所執一日逆黨大會於凝碧池奏  
樂王維聞之賦詩曰萬戶傷心生野煙百官何日更朝  
天秋槐葉落空宮裏凝碧池頭奏管絃賊平維以此詩  
得免 德宗實錄曰貞元十三年浚魚藻池深五尺

李石開成錄曰文宗論德宗奢靡云聞得禁中老宮人

每引泉先於池底鋪錦王建宮詞曰魚藻宮中鎖翠娥  
先皇行處不曾過只今池底休鋪錦菱角雞頭積漸多  
是也 李絳傳曰憲宗嘗畋苑中至蓬萊池謂左右曰  
絳嘗以諫我今可返也其見禮憚如此李德裕詩注學  
士初賜食皆蓬萊池魚鱠 唐書曰蔣鎮為諫議大夫

時戶部侍郎判度支韓滉上言河中鹽池生瑞鹽寶土  
德之瑞上以秋霖為患不宜生瑞 寰宇記曰懸瓠池  
在汝陽縣唐李愬攻吳元濟雪夜擊鵝鴨以亂軍聲即



此俗呼為鵝鴨池

湘潭記曰洗筆池在湘鄉唐褚遂

良貶潭州都督時洗筆於此宋咸淳間邑宰趙必槐于

池中得斷碑上刻褚公湘潭偶題詩

吳錄云相國池

唐大厯中李晤官烏程其子紳方一歲墜此池若有物  
扶之出紳後為相故名 柳子厚愚溪記曰池曰愚池

統志云墨池在廬州府無為州治內米芾為守時所

鑿池中蛙聲聒人芾取瓦片書押字投之遂不鳴上有

芾書墨池二字

蘇東坡集云王仲至謂趙德麟曰余

嘗奉使過仇池有九十九泉萬山環之可以避世如桃

源 原華陽國志曰滇池縣有澤水周廻二百餘里所

出深廣下流淺狹如倒流故曰滇長老相傳池有神馬

與家馬交則生駿駒稱之曰滇駒日行五百里 續述

征記曰大梁西南七十里尉氏縣有蓬池 梁州記曰

明月池南二里有七女池 增郡國志曰合浦海曲出

珠號曰珠池 拾遺記曰員嶠山西有星池周千里水

色隨四時變化有神龜出爛石之上此石常浮水際方

數百里其色多紅質虛似肺燒有煙香聞數百里煙氣  
升天則成香雲遍潤則成香雨

### 池三

增瑞星

皓月

瑞星池在雷州府南即寇萊公舊居也  
宋天聖間有星隕於池翌日求之得一

石

確山縣西北樂山頂有池名

承露

浣雲

三秦記漢

皓月中有四季蓮花可供遊賞

上林苑有承露池

杭州舊報恩寺中有

金斗

玉

舞鳳軒浣雲池今萬松書院其故址也

壺

金斗池在廬州按合肥縣入斗度獨多故號金斗城  
池名金斗亦取此義元元統間丞相莫華捨地與

僧法藏建普光庵中有玉壺池

聖水

仙源

杭州慈聖院有呂公池  
宋乾道間高僧能取池

水咒之以施病者輒愈號聖水池  
池在南溪縣北劉景鶴嘗用此水以煉丹  
太子相

國吳有太子池相國聖母仙女  
池在烏程縣詳見前  
聖母仙女  
前有池曰聖母祠

訟者各執楮錢禱之實則沉虛則浮  
州府象州東雷山之巔有仙女池深丈餘  
柳百子七

女漢宮中有百子池影娥落妃  
洋縣有七女池  
影娥落妃  
月影入池中如仙

人乘舟笑弄月影因名影娥池  
生於蜀嘗誤落池中後人呼為落妃池  
楊貴妃  
飲軍浴

仙宜山縣城南有飲軍池宋景德四年軍校陳進叛圍  
縣城時池水久涸偶爾湧出閤門使曹利平賊飲軍

於此池故名南昌府子城東有浴仙池相傳有少年  
見美女五人脫五彩衣於岸側浴池中少年戲藏其一

諸女浴竟著衣化白鶴去獨失衣女不能去隨  
至少年家為夫婦約以三年還其衣亦飛去  
飲馬

躍龍

合山縣有飲馬池在關東之巔相傳闕羽飲馬於池成都府東南有躍龍池相傳隋開皇中

伐陳鑿大池以習水戰

留犢

靜蛙

壽州西南有留犢池魏時苗為壽春令始之官犢牛

生一犢及去留之故名安吉縣常樂寺有靜蛙池昔肇法師厭蛙聲聒耳驅而去之至今池中不生科斗又

善化縣獄麓書院前有池夏無蛙聲禁之乃息亦名宋張拭讀書於此厭蛙聲禁之乃息亦名

玩鶩

鳴

鶴宜興縣南有玩鶩池相傳王羲之玩鶩處三秦記魏在洛有鳴鶴池

靈芝

嘉蓮

晉宮闕記有靈芝池嘉蓮池在無為州城北池中多植嘉蓮

洗參

漚麻

林縣西有洗參

池相傳為王母洗藥之所故名漚麻池在開封府詳見前

採珠

淬鐵

廉州府城東南

有珠母海海中有平江懸梅青嬰三池池中有珠每月明之夜其光燭天即古合浦珠也人採珠者以長繩繫

腰携竹籃入水拾蚌置籃內則振繩令舟人汲取之不  
幸遇惡魚一線血浮水面則知人已葬魚腹矣 永州

郡後有池淬鐵為

覆杯

洗鉢

覆杯池在金陵古臺城太初宮中昔晉元

帝頗以酒廢政王導諫之帝因覆杯池中以為戒  
地記紫金山有洗鉢池應潮井道光泉

原升

采鱗

浮文鵠

班固典引曰采鱗於沼

擾縹文皓質於郊升黃輝司馬相如子虛賦曰急而

後遊於清池浮

承河漢

象扶桑

張載濛汜賦曰仰承河漢張衡西

文鷁揚旌旂

京賦曰象扶桑與濛汜詳昆明池

肄舟師

奏廣樂

魏志曰太祖還鄴作玄武池以

詳見池二下

增積翠詩賦

凝碧管絃

並見前池二

笑

蓉夜遊

蓬萊嘗畋

並見前池二

押書蛙部

滌墨鵞羣

上詳米芾禁蛙事

王羲之

山騎酩酊

旭草淋漓

愛鷺于巖山鷺池內滌墨

上見習家池下見

張旭臨池池水盡黑

## 池四

增監于商辛

西征賦酒池  
監於商辛

行船

西京記秦始皇造酒  
池漢武行船其中

織女機絲石鯨鱗甲

俱漢武昆明  
池中所製

大官供膳資天

泉

晉孝武太元間大旱井瀆  
皆竭大官供膳資天泉池

山水忘情

梁昭明太子  
于臺城東鑿

池名善泉汎舟池中嘗曰

唱迴波諫失禮

唐中宗游  
興慶池侍

何必絲與竹山水可忘情

宴者迭唱迴波詞喧雜失禮次諫議大夫李景伯亦起  
歌曰迴波爾持酒卮微臣職在歲規侍宴既過三爵喧

嗔竊恐非宜  
于是罷坐

放生碑銘

唐肅宗詔天下近城郭處置放生池始于洋州興道迄于

昇州江寧凡八十所顏真卿為碑銘

流杯

唐長寧公主有流杯池上官昭容遊汎賦詩

樓

臺氣色鳬鴈光輝

見沈佺期奉和聖製龍池篇中句

恩魚瑞鶴

蘇頲龍池

應制詩思魚不入昆明  
釣瑞鶴長隨太液仙

淬劍詩

宋歐陽程為永州郡吏淬劍於鐵作池有

寒影倒吞凌漢樹冷光高浴半天  
星之句太守驚異使歸學成進士

送鯉文

宋天聖中醴泉縣人

有捕得角鯉者放之復  
活盧載作送角鯉文

醒酒

宋洛陽董氏有大池中為堂榜曰含碧水四面

噴瀉醉者輒醒故名醒酒

手譚

日本國有手譚池池上玉碁子不由制度黑白分明

## 池五



原詩魏文帝芙蓉池詩曰乘輦夜行遨逍遙步西園雙  
渠相灌溉嘉木繞通川卑枝拂羽蓋修條摩蒼天丹霞  
夾明月華星出雲間遨遊快心意保已終百年 陳王

曹植詩曰逍遙芙蓉池翩翩戲輕舟南楊樓雙鵲北柳  
有鳴鳩 宋謝瞻遊西池詩曰逍遙越郊肆願言屢經  
過迴阡被陵闕高臺眺飛霞惠風蕩繁囿白雲屯曾阿  
褰裳順蘭沚徙倚引芳柯美人愆歲月遲暮獨如何  
梁武帝首夏汎天池詩曰薄遊朱明節汎漾天淵池舟

櫟互容與藻蘋相推移碧沚紅菡萏白沙青漣漪新枝  
拂舊石殘花落故池葉軟風易出草密路難披 簡文  
帝山池詩曰日暮芙蓉水聊登鳴鶴舟飛艫飾羽旄長  
幔覆緹紉停輿依柳息住蓋影空留古樹橫臨沼新藤  
上挂樓魚游向閣集戲鳥逗楂流 庾肩吾山池應令  
詩曰閨苑秋光暮金塘收潦清荷低芝蓋出浪湧燕舟  
輕逆湍留棹唱帶谷聚筇聲野竹交臨浦山桐迥出城  
水逐雲峰閣寒隨殿影生 王臺卿山池詩曰歷覽周

仁智登臨歡豫多穿渠引金谷開道出銅駝長橋時跨

水曲閣乍臨波巖風生竹樹池香出芰荷石幽街細草

林末度橫柯 鮑至山池詩曰望園光景暮林觀歇氛

埃荷疎不礙櫟石淺好縈苔風光逐榜轉山靄向橋開

樹交樓影沒岸暗水光來 後魏溫子昇春日臨池詩

日光風動春樹丹霞起暮陰嵯峨映連壁飄颻下散金

徒自臨濠渚空復撫鳴琴莫知流水曲誰辨游魚心

周庾信奉和山池詩曰樂宮多暇豫望苑暫迴輿鳴笳

陵絕浪飛蓋歷通渠桂亭花未落桐門葉半疎荷風驚  
浴鳥橋影聚行魚日落含山氣雲歸帶雨餘 又奉和  
初濬池成清晨臨汎詩曰千金高堰合百頃浚源開翻  
逢積草浪更識昆明灰虎嘯風還急鷄鳴潮卽來時看  
青雀舫遙逐桂舟廻 王褒玄圃濬池詩曰長洲春水  
滿臨汎廣川中石壁如明鏡飛橋類飲虹垂楊夾浦綠  
新桃緣逕紅對樓還泊岸迎波暫守風漁舟釣欲滿蓮  
房採半空於茲臨北闕非復坐牆東 又山池落照詩

曰竹館掩荆扉池光晦晚暉孤舟隱荷出輕棹染苔歸

浴禽時侶竄驚羽忽單飛徐陵山池應令詩曰畫舸

圖仙獸飛艎挂采旂榜人事金漿釣女飾銀鈎細萍時

帶攖低荷乍入舟後啼知谷晚蟬咽覺山秋又奉和

山池詩曰羅浮無定所鬱島屢遷移不覺因風雨何時

入後池樓臺非一勢臨翫自多奇雲生對戶石猿挂入

欄枝陳陰鏗經豐城劒池詩曰清池自湛淡神劒久

遷移無復連星氣空餘似月池夾篠澄深淥含風結細

漪唯有蓮花萼還想匣中雌 增唐陳子昂于長史山  
池三日曲水詩曰摘蘭籍芳日被宴坐迴汀汎灩清流  
滿歲蕤白芷生金絃揮趙瑟玉柱弄秦箏巖榭風光媚  
郊園春樹平煙花飛御道羅綺照昆明日落紅塵合車  
馬亂從橫 白居易官舍內鑿小池詩曰簾下開小池  
盈盈水方積中底鋪白沙四隅甃青石勿言不深廣但  
足幽人適泛灩微雨朝泓澄明月夕豈無大江外波浪  
連天白未如牀席間一片秋天月 唐杜審言遊義陽

公主山池詩曰逕轉危峰逼橋斜缺岸方玉泉移酒味  
石髓換粳香綰霧青條弱牽風紫蔓長猶言宴樂少別  
向後池塘上官昭容遊長寧公主流杯池詩曰暫爾  
遊山第淹留惜未歸水窓明月滿澗戶白雲飛書引藤  
為架人將薜作衣此真攀玩所臨睨賞光輝崔湜唐  
都尉山池詩曰曲渚颺輕舟前溪釣晚流鴈翻蒲葉起  
魚撥荇花遊金子懸湘柚珠房拆海榴幽探惜未已清  
月半西樓王維和伊諫議史館山池作詩曰雲館接

天居霓裳侍玉除春池百子外芳樹萬年餘洞有仙人  
籙山藏太史書君恩深漢帝且莫上空虛 李白游昌  
禪師山池詩曰客來花雨際秋水落金池片石寒青錦  
疎楊挂綠絲高僧拂玉柄童子獻霜梨惜去愛佳景煙  
蘿欲暝時 杜甫與任城許主簿遊南池詩曰秋水通  
溝洫城隅進小船晚涼看洗馬森木亂鳴蟬菱熟經時  
雨蒲荒八月天晨朝降白露遙憶舊青氊 白居易題  
東林寺雙池詩曰向晚雙池好初晴百物新裊枝翻翠



羽濺水躍紅鱗萍汎同游子蓮開當麗人臨流一惆悵  
還憶曲江春 溫庭筠盧氏池上遇雨贈同遊詩曰簟  
翻涼氣集溪上潤殘碁萍皴風來後荷喧雨到時寂寥  
閒望久飄洒獨歸遲無限松江恨勞君解釣絲 沈佺  
期興慶池侍宴應制詩曰碧水澄潭映遠空紫雲香駕  
御微風漢家城闕疑天上秦地山川似鏡中向浦迴舟  
萍已綠分林蔽殿槿初紅古來徒羨橫汾曲今日宸遊  
聖藻雄 韋元旦詩曰滄池漭沆帝城邊殊勝昆明鑿

漢年夾岼旌旂疏輦道中流簫鼓振樓船雲峰四起迎  
宸幄水樹千重入御筵宴樂已深魚藻詠承恩更欲奏  
甘泉 沈佺期奉和聖制龍池篇曰龍池躍龍龍已飛  
龍德先天天不違池開天漢分黃道龍向天門入紫微  
邸第樓臺多氣色君王鳬雁有光輝為報寰中百川水  
來朝此地莫東歸 蘇頲詩曰西京鳳邸躍龍泉佳氣  
休光鎮在天軒后霧圖今已得秦王水劒昔嘗傳恩魚  
不入昆明釣瑞鶴長隨太液仙願侍巡遊同舊里更聞

簫鼓濟樓船 方干于秀才小池詩曰一泓潏灩復澄

明半日功夫斲小庭占地無過四五尺浸天應入兩三

星鷁舟草際浮霜葉魚火沙邊駐水螢纔見規模識方

寸知君立意象滄溟 杜甫天池詩曰天池馬不到嵐

僻鳥纔通百頃青雲杪層波白石中鬱紆騰秀氣蕭瑟

浸寒空直對巫山出兼疑夏禹功魚龍開闢有菱芡古

今同聞道奔雷黑初看浴日紅飄零神女雨斷續楚王

風欲問支機石如臨獻寶宮九秋驚鴈序萬里狎漁翁

更是無人處誅茅任薄躬  
明黎民表西山玉泉池詩

曰圓渟知異脉方折紀靈蹤  
濯月金規滿含風石鏡融  
平湖隱作浪曲澗瀉為淙  
一入昆明去千秋照綺櫳

原賦晉張載濛汜池賦曰麗華池之湛淡開重壤以停  
源激通渠於千金承漚洛之長川挹洪流之汪濊包素  
瀨之寒泉既乃北通醴泉東入紫宮左面九市右帶閭  
風周墉建乎其表洋波洄乎其中幽瀆傍集潛流獨注  
仰承河漢吐納雲霧緣以綵石殖以嘉樹水禽育而萬

品珍魚產而無數蒼苔汎濫修條垂榦綠葉覆水玄蔭  
夾岸紅蓮煒而秀出繁艷艷以煥爛遊龍躍翼而上征  
翔鳳因儀而下觀想白日之納光覩洪暉之皓盱於是  
天子乘玉輦時遨遊排金門出千秋造綠池鏡清流翳  
華蓋以逍遙攬魚釣之所收纖緒挂而鱸鮓來芳餌沈  
而鰕鯉浮豐夥踰於巨壑信可樂以忘憂 郭璞鹽池  
賦曰水潤下以作鹹莫斯鹽之最靈傍峻岳以發源池  
茫爾而海溥嗟玄液之潛洞羌莫知其所生狀委蛇其

若漢流漫漫以漭漭吁鑿鑿以粲粲色皎然而雪朗揚  
赤波之煥爛光盱盱以晃晃隆陽映而不焦洪濇沃而  
不長磊崔嵬確鑿剡基方玉潤膏津雪白凌岡粲如散  
璽煥若布璋爛然漢明晃爾霞赤望之絳承即之雪積  
翠塗內映潁液外冪動而愈生損而滋益若乃煎海鑠  
泉或凍或漉所贍不過一鄉所營不過鍾斛飴我見珍  
於西隣火井擅奇乎巴濮豈若茲池之所產帶神邑之  
名嶽吸靈潤於河汾總膏液乎澮涑

宋謝莊悅曲池

賦曰北山兮黛栢南谿兮潁石潁岸兮若虹黛樹兮如  
畫暮雲兮十里朝霞兮千尺步東池兮夜未久卧西窓  
兮月向山引一息於魂內擾百緒於眼前 增唐太宗  
小池賦曰若夫素秋開律碧沼凝光引涇渭之餘潤縈  
咫尺之方塘竹分叢而合響草異色而同芳徘徊躑躅  
淹留自足疊風紋兮連復連折迴流兮曲復曲映垂蘭  
而轉翠翻輕苔而動綠牽狹鏡兮數尋泛芥舟而已沉  
湧菱花於岸腹劈蓮影於波心減微涓而頓淺足一滴

而還深于時景落池濱霧黯疎筠卷舒澄霞彩高低碎  
月輪露宿鳥之全翮隱游魚之半鱗岸隨年而或故流  
與日而終新雖有慙於溟渤亦足瑩乎心神 許敬宗  
小池賦曰爾其潺湲繞砌潏灩縈除擬高陽而不足比  
蹄涔而有餘游瑩劒之微鳥躍露頂之纖魚乃若綺井  
傍通桃溪俯映仰天津兮共澹潔秋景兮俱淨倒列宿  
以凝珠含望舒而似鏡覩江使之潛處翫波臣之沉泳  
於是翻光甕牖漾影蓬門溜激石兮長嘯鳬鼓浪兮相



喧竹凝露而全弱荷因風而半翻足以澡瑩心神澄清  
耳目對昆明而取況喻春蘭與秋菊不羨寶於河宗豈  
希大於暘谷 王起墨池賦曰伊昔伯英務茲小學棲  
遲每親乎上善勤苦方資乎先覺俾夜作晝日居月諸  
挹彼一水精其六書或流離于崩雲之際乍滴瀝於垂  
露之餘由是變黛色涵碧虛浴玉羽之翩翩忽殊白鳥  
濯錦鱗之澈澈稍見玄魚則知自強不息允臻其極何  
健筆之成文變方塘而設色映揚鬢之鯉自謂奪朱沾

曳尾之龜還同食墨沮洳斯久杳冥不測受涅者必染  
其緇知白者咸守其黑蘋風已歇桂月初臨恢弘學海  
輝映儒林將援毫而閱目豈泛舟而賞心 浩虛舟盆  
池賦曰達士無羈居閒勦竒陷彼陶器疏為曲池原夫  
深淺隨心方圓任器分玉甃之餘潤寫蓮塘之遠思空  
庭欲曙通宵之瑞露盈盤幽徑無風一片之春冰在地  
想乎泥滓無染泉源本清盛之而細流不泄鼓之而圓  
折長生蛙穿則別派潛通想漏卮之難滿雨落則古痕

全沒知小器之易盈及夫岸濫濫以初平水汪汪而罷  
漲韜雲分白璧之色映竹寫圓荷之狀光翻曉日誰謂  
覆而不臨底露青天孰假戴之而望至若煙靄沉沉莓  
苔四侵方行潦而不濁比坳塘而則深遂使好勇之徒  
暗起憑河之想無厭之士潛懷測海之心故得汲引無  
勞泓澄斯積環纖草以彌澈泛流萍而更碧悠哉智者  
之為心聊覩之而自適

原銘陳江總芳林園天淵池銘曰歲次執徐月維大呂

爰命梓匠廣修畚鍤標置舊址開浚昔基東西彌望雲  
霧之所澄蕩南北紆縈虹霓之所引曜曉川漾潏似日  
御之在河宿夜浪浮金疑月輪之馳水府前瞰萬雉列  
榭參差却拒三襲危巒聳峭瓌鳥異禽自學歌舞神木  
靈卉不知搖落但叔皮覽海序螭蛟之汎濫吉甫臨舟  
美檉松之蓊茸尚復著在吟咏緘彼緹紉况我君門盛  
事未紀謬頒待詔謹製銘云石溝溜密蘭渚潮平九華  
閣道百丈層盈液搖殿色殿寫波明

原表晉江逋諫鑿北池表曰伏承當鑿北池及立閣道雖湫阨陋小用功甚微又役不擾民賦不及外至簡至約誠不可加然於愚懷實有眷眷

增頌唐張九齡龍池聖德頌曰洪惟龍池蓋天之所以祚聖即今上卜居之舊里京師爽塏之地傍無竇澤中忽檻泉非常而靈液洎流無機而神池浸廣榮光休氣所未嘗有臣不敏敢獻頌曰體侔天地阜育羣化茫茫元昊載凝載載薄在帝庖犧繼天而作浩浩洪水包山襄

陵舜亦命禹夏氏以興龍圖龜書二王是膺湯武以下

夫何足徵

右元命

於鑠巨唐乘運而起纘禹之統系堯

之紀五聖在天丕命曾孫高視河洛同符混元亦有黃

龍出於靈沼明明穆穆天子之表

右聖德

倬彼東井昭

彰於天沉精降液下為靈泉靈泉有泚其深無底泌之

洋洋其甘如醴清德之鑑柔道之體洪源濬規實天所

啓右靈泉

濯濯靈泉冥冥皇祇滋液流行化為神池曰

止曰行惟聖之作匪鱣匪鮪惟龍之躍植物斯生動物

斯樂天根有見曾是不涸

右神池

靈有休氣紛紛郁郁

如山之苞如雲之族潛龍在下瞻烏在屋兆云其吉周

爰咨詢既契我龜又叶我人鎬雖舊京其命維新

右休

氣蜿蜒黃龍神池自出靈化惚恍噴雲沃日告帝之符

其儀孔佶或潛於泉或見在田與時順動亦應于天克  
配我皇無得稱焉

谿一

原爾雅曰水注川曰谿山瀆無所通曰谿 增春秋說

題辭曰谿者隱也 說文曰谿亦作溪或作磎 宋均

曰無水曰谷有水曰溪 家語曰丘陵為牡溪谷為牝

老子曰知其雄守其雌為天下谿 文選曰玉隱瑤

谿 魏都賦曰賞如甘泉罰如深谿 吳都賦曰戶藏

煙浦家具畫谿蓋謂菴畫谿也 原武昌記曰樊山東

有小溪夏時溪裏常有寒氣故謂之寒溪 裴氏廣州

記曰管溪周圓丈餘水極沸湧如猛火煎油聲 荊州

記曰鄧縣北五十里有菊溪源出縣西北五十里石澗



山東南流會專水兩岸多甘菊飲此水延壽 又曰桂

陽郡西南宿山水出注大谿號曰橫溪水甚深冬夏不

乾俗謂之貪泉飲者輒冒於財賄 增寰宇記曰延谿

柘樹枝條暢茂嘗鳥集其上枝下垂及地鳥去枝偶折

羣鳥號嘯不已土人取其枝為弓名曰鳥號 圖經曰

茗溪在餘杭夾岸多茗花故名 又曰雲溪在湖州府

城霅者以衆流合集霅然有聲故名 又曰餘不溪在

德清縣東餘不者言其水之清徹餘溪則不也 又曰

長興有箬溪分上箬下箬取下箬溪水釀酒極醇 古  
今注曰漢元和中明月珠出豫章之海昏即南康都昌  
縣之珠溪是也 寰宇記曰弋溪以水形橫斜似弋字

圖經曰薌溪又名貴溪因出鬱金香縮酒降神制用  
甚貴也 統志曰南荒有黑溪閩漳又有烏脚溪涉者  
足皆如墨 水經注曰山陰縣有二溪東溪廣一丈九  
尺冬暖夏冷西溪廣三丈五尺冬冷夏暖二溪北行三  
里至徐邨合成一溪溫涼不雜 又曰武溪源出武山

流注於沅故為歌曰武溪深復深飛鳥不能渡遊獸不能臨 又曰白馬谿水出宜陽山有大石厥狀似馬故谿澗以物色受名

谿二

增尚書大傳曰呂望於磻溪釣得一魚腹有璜玉文曰周受命呂佐今石上隱隱見兩膝痕 成都耆舊傳曰玉妃與五丁同生父母棄之溪後聞呱呱聲就視乃一女五男五丁即蜀妃男即五丁故名玉妃溪 原管子曰

齊桓公北征孤竹國將至卑耳谿見一人長尺許具冠  
右祛衣走馬前導管仲曰此登山之神走馬前導示前  
有水右祛衣示右方淺也及至溪從左方涉其深至冠  
右方涉至膝桓公拜曰仲父之聖至此 增寰宇記曰  
彭水有五溪謂酉辰巫武沅等溪也古老相傳楚子城  
巴巴子兄弟五人流入五溪各為一溪之長 郡國志  
曰豫州吳房縣有堂溪即吳王闔閭之弟夫槩王朝楚  
楚封之於堂溪也 吳地記曰吳有香水溪俗謂西施

浴處人呼為脂粉溪吳王宮人濯妝於此溪上水至今猶香 吳錄云越來溪在吳縣相傳越師侵吳自此入

戰國蘇秦說韓王曰劍戟出于棠谿谿在今西平縣

述異記曰出虞淵八十里有甜溪水味如蜜東方朔

得水數斛以獻武帝投水於井井水常甜寒洗沐則肌

理柔滑 越州記曰越若耶溪古歐冶子鑄劍之所漢

鄭弘採薪得一遺箭頃之有人覓箭弘與之問弘何所

欲弘知其非常曰患若耶溪載薪為難願朝南風暮北

風後果然世號其舟所經行處為樵風涇其風至今猶然又曰剡溪在嵊縣王徽之雪夜從此訪戴逵郡

國志曰漢邑人董黯早孤事母盡孝母疾嗜大隱溪水遠不能常致乃築室溪濱板輿就養厥疾既瘳因名慈谿寰宇記曰前溪烏程縣南東流入太湖謂之風渚後溪在市北餘不亭晉車騎將軍沈充家於前溪樂府有前溪曲則充之所制其詞云當曙與未曙百鳥啼恣恣後宋少帝續為七曲其一曲曰憂思出門戶逢郎前

溪度莫作流水心引新都捨故 廬山記曰惠遠法師

送客過虎溪虎輒鳴號一日送陶元亮陸脩靜與語道

合不覺送過虎溪因大笑世傳三笑圖 寰宇記曰任

昉為新安太守因行春至此愛其雲溪累日不返百姓

因名其溪為昉溪大中十年刺史盧藩改曰任公溪

原世說曰却僧遊青溪中汎到一曲之處輒作詩一篇

謝益壽見詩笑曰青溪之曲復何窮盡 增武陵溪晉

武陵漁人入桃源即此 輿地志曰浣紗溪在青田長

壽峰相傳謝康樂入此溪見二女浣紗嘲曰我是謝康  
樂一箭射雙鶴試問浣紗女箭從何處落二女答曰我  
是溪中鯽暫出溪頭食食罷又遷潭雲踪何處覓遂不  
見 列仙傳曰琴高善鼓琴所居溪側有石臺即控鯉  
上昇處故名琴溪 圖經曰無錫有溪發源惠山甚狹  
小梁大同中重濬名梁谿 傳燈錄曰梁天監初天竺  
僧智藥汎舶曹溪口聞異香掬嘗其味曰上流必有勝  
地尋之遂開山立刹名寶林乃云百七十年後當有無



上法寶在此演法今六祖南華寺也 郡國志曰西溪

在華州時人目為小曲江以杜子美為州司功時所嘗

遊也 統志曰磨鍼溪在彭山縣象耳山下相傳李白

讀書山中學未成棄去適過是溪逢老嫗方磨鐵杵問

何為曰欲作鍼白感遂還卒業 方輿勝覽曰浣花溪

在成都一名百花潭有石刻浣花夫人像夫人姓任氏

崔旰之妾也方旰為成都節度使入朝楊子琳乘虛突

入成都旰妾散財募兵自帥擊走之朝廷加旰尚書賜

名寧任氏封夫人 輿地志曰祁陽有浯溪元結愛其

山水因家焉作大唐中興頌顏真卿書石世稱二絕

寰宇記曰龍溪在奉化舊有虛白觀唐開元間葉靜能  
講經於此忽南海龍神化一髯叟聽講既而訴曰胡僧  
以呪力欲竭海取寶語甚哀切靜能乃書朱符遣弟子  
持往海上救之於是海水復還觀在原上無井遠汲為  
難至是龍神感其恩乃於觀左穿一渠泉流不絕遂成  
大溪因名龍溪 郡國志曰海陽鱣溪有鱣魚四足黃

身修尾其形如鼉似龍無角似蛇有足尾有三鉤極利

遇人豕以尾戟而食之生卵甚多韓昌黎知潮州為文

祝令去是夕暴風震雷起溪中數日水盡涸而徙六十

里自是潮無鱷患 圖經曰麗水縣惡溪溪內多怪唐

大中時刺史段成式有美政水怪自去因改名好溪

統志曰祁門縣西南有溪甚險商旅經此多覆唐縣令

路旻開斗門以殺其勢號路公溪 倪瓚荆溪圖序引

蘇子瞻曰一入荆溪便覺意思豁然欲買田其間種橘

作小亭卒不遂其志 郡國志曰濂溪在道州有山曰

安定山西石竇深廣不窮有泉溢竇而出是為濂溪周  
元公惇頤生於此後卜居廬山之下不忘故鄉亦名濂

溪 又曰丁溪在泉州德化縣諺云水畫丁羅簪纓宋

時一夕雷雨決流一縱一橫宛然丁字也邑人程揚休

果高第 又曰高溪在永州府城北宋有唐叟者世居

溪上一日厭其喧雜登舟而去伏臘則暫歸受子孫謁

見如此者三十餘年 古夜郎國相傳一女子浣紗溪

上見浮竹中有啼聲取視之則孩也及長主夜郎封竹

溪王

谿三

原為牝

守雌

上家語下老子並詳前谿一

釣璜

隱玉

上見溪下

見溪

訪戴

送陶

並詳溪二

講道

蕩塵

文中子講道白牛溪之上

一

滌煩想於心胃

增雙月

七星

陽朔縣南有雙月溪政和縣南有

蕩遺塵於旋流

浣花

罨畫

成都浣花溪杜子美作草堂之所罨畫在長興者為最勝

溪

七星

香稻

甘棠

橫州西有香稻溪靈川縣東有甘棠溪

沐鶴

蟠龍

沐鶴溪在

青田縣相傳浮丘伯沐鶴於此  
夔州府梁山有蟠龍溪

躍馬

斬蛟

劉備困于劉表乘的

盧至檀溪一躍而過  
周孝友斬蛟于荆溪

磨鐵

浣紗

並見前溪二

黃浦

白洋

黃浦溪在山陽縣南  
白洋溪在宣城縣

四安

九曲

長興縣四安山有四安溪

九曲溪在武夷山九曲繚繞

段式去怪

路旻平險

並詳溪二

刺史

牽鼎

茂叔濯纓

南越志天清水澄見溪中鼎鉉刺史劉道錫過此溪繫其耳而牽之耳脫

而鼎潛入溪中民以為神

濂溪在道州之西周茂叔家世于此黃山谷濂溪詩序茂叔老於湓城有水發源

花峰之下茂叔濯纓而樂之築室其

太守修禊

仙

間用其平生所安亦名曰濂溪也

人投丹

安岳縣西太守彭乘臨溪鑿石為曲水每歲修禊於此融縣南仙人嘗投丹於溪中飲者皆

得壽

山影棹聲

沙平石淺

宋張子野西溪詩浮萍破處見山影小艇歸時聞棹

聲唐岑參東溪詩沙平堪濯足石淺不勝舟

四水激射

雙澗合流

湖州霅溪

合四溪水激射虎蹲溪在宣平縣南雙澗合流

一縱一橫

十溢十竭

丁溪

一縱一橫見前王韶之始興記連州內有斟溪一日十溢十竭

# 谿四

原赴百仞

家語東流之水不息流行赴百仞之谿也

起臺

楚靈王起章華之臺于乾谿國

人潰

增濯塵

西子浴于香水谿古詞云安得香水泉濯郎衣上塵

原征蠻

漢

援征五

增歌滔滔

馬援門生善吹笛援作歌和之曰滔滔武溪一何深

蠻蠻

聚落

五溪蠻皆盤瓠子孫  
古謂之蠻蜚聚落

書突星瀨

王右軍游惡溪道中歎其奇絕

遂大書突星瀨于石上

五十九灘

謝靈運與弟書聞惡溪道中九十九里有五十九灘

舞愛

前溪乃南朝習學之所  
崔顥詩舞愛前溪好

三餘謠

梁武帝時童謠云王氣在三餘

乃于餘干餘姚餘杭等處為厭勝之術而長興一邑有餘干山餘魚浦餘翬溪陳武實當之也

一道

士

文選青谿千餘  
何中有一道士

不憚惡

李白詩遠尋惡溪去不憚惡溪惡

自號

六逸

李白與孔巢父韓集裴政張叔明陶隱居日沉飲號竹溪六逸

改名五雲

徐季海遊

會稽歎曰曾子不入勝母之里吾豈游若耶之溪因改名五雲溪

天闕刺藤

舒元興弔刺溪

文刺溪藤可作紙今之錯為文者皆天闕刺藤者也

三吾自命

元結因水為吾溪因山為吾山



作室曰浯亭三者皆命以吾明吾所自有也

**鑿字**

粵西通道縣境有鑿字溪因唐久視元年遣將

王思齊征蠻鑿石以紀

**映水蘭花**

蘭溪近蘄水產香草杜樊川詩映水

歲月土人名以鑿字

蘭花雨

**燕尾分**

杜詩溪流燕尾分

**浯翁**

宋黃庭堅謫浯州別駕號浯翁後安

散香

置戎州樂一溪

**太史**

沙縣七峰之下有太史溪宋李綱以太史謫此故名

**漳**

水即號浯溪

**南賦虎**

福建龍巖縣有溪幽勝比之武陵宋元祐間里人陳備劉崇以詞賦齊名時人稱曰劉崇陳備

漳南賦虎後劉及

**原不測**

臨不測之溪以為固

**易陰**

交柯谿易陰

第陳則隱居溪上

**谿五**

原詩梁任昉汎長谿詩曰狗祿聚歸糧依隱謝羈勒絕

物甘離羣長懷忽去國長谿永東舍震區窮水域道遇  
垂綸叟聊訪問津惑弭楫申九言無為累牽纏長汎滄  
浪水平明至曛黑 又落日汎舟東溪詩曰黝黝桑柘  
繁芄芄麻麥盛交柯谿易陰反景澄餘映吾生雖有待  
樂天庶知命不學梁父吟唯識滄浪詠田荒我有役秩  
滿余謝病 增唐王維過清溪水詩曰言入黃花川每  
逐清溪水隨山將萬轉趣途無百里聲喧亂石中色淨  
深松裏漾漾泛菱荇澄澄映葭葦我心素已閑清川澹

如此請留盤石上垂釣將已矣

孟浩然耶溪汎舟詩

日落景餘清輝輕橈動溪渚澄明愛水物臨汎何容與  
白首垂釣翁新妝浣紗女相看似相識脉脉不得語

沈佺期入少密溪詩曰雲峰苔壁遶溪斜江路香風夾  
岼花樹密不言通鳥道鷄鳴始覺有人家人家更在深  
巖口澗水迴流宅前後遊魚瞥瞥雙釣童伐木丁丁衆  
樵叟自言避喧非避秦薜衣耕鑿帝堯人相留且待鷄  
黍熟夕卧深山蘿月春 岑參終南東溪作詩曰溪水

碧於草潺潺花底流沙平堪濯足石淺不勝舟洗藥朝

與暮釣魚春復秋興來從所適還欲向滄洲 杜甫溪

上詩曰峽內淹留客溪邊四五家古苔生迤地秋竹隱

疎花塞俗人無井山田飯有沙西江使船至時復問京

華 張籍雲溪遠望詩曰雲水碧悠悠西亭古岸頭夕

光陰遠岫斜照逐迴流此地動歸思逢君方倦遊吳興

耆舊盡空見白蘋洲 項斯汎溪詩曰溪船汎數里便

覺少炎暉動水花連影逢人鳥背飛深猶見白石涼好

換生衣未得多詩句終須隔宿歸 劉長卿上巳日泛

舟若耶溪詩曰蘭橈萬轉望汀沙應接雲峰到若耶舊

浦遠來移渡口垂楊深處有人家永和春色千年在曲

水鄉心萬里賒君見魚船時借問前洲幾路入煙花

王勃泥谿詩曰弭棹凌奔壑低鞭躡峻岐江濤出岸險

峰磴入雲危溜急船文亂岩斜騎影移水煙籠翠渚山

照落丹涯風生蘋浦葉露泣竹潭枝泛水雖云美勞歌

誰復知 宋孫覲庵畫溪行詩曰老特浮鼻水中歸綵

雉應媒桑下飛  
蘿萋冥冥山四起  
數家鷄犬煙樹裏  
一支新漲晴溝楊柳中間繫  
小舟罨畫溪頭鳥鳥樂呼  
風喚雨不能休  
蝶趁花飛爭入坐  
倚空百尺游絲墮  
亂山銜日半船明  
斷雲載雨前邨過  
蕨芽戴土小兒拳  
漁市人歸柳貫鮮  
罨畫溪頭人語好  
烹魚煮蕨餉春田  
沙頭綠暗已藏鴉  
竹裏猶殘一兩花  
蝸廬抱柳開新  
國燕語窺簾憶舊家  
春風有信自年年  
罨畫谿邊柳繫  
船陶情滿滿酒如泉  
醉與長瓶藉草眠  
翠木蒼藤繚

白沙槿籬茅店野人家了無狡兔營三窟只有黃蜂趁  
兩衙樹頭獵獵酒旗風罨畫谿邊賣酒翁銀餅快瀉清  
若空令君一笑面生紅 梅堯臣東溪詩曰行到東溪  
看水時坐臨孤嶼發船遲野鳬眠岸有閑意老樹著花  
無醜枝短短蒲茸齊似剪平平沙石淨於篩情雖不厭  
住不得薄暮歸來車馬疲 歐陽修黃溪夜泊詩曰楚  
人自古登臨恨暫到愁腸已九迴萬樹蒼煙三峽暗滿  
川明月一猿哀非鄉况復驚殘歲慰客偏宜把酒杯行

見江山且吟詠不因遷謫豈能來  
陸游沂谿詩曰射

的峰前禹廟東短篷三扇卧衰翁  
閒攜清聖濁賢酒重試朝南暮北  
風水落痕留紅蓼節雨來聲滿綠  
蒲叢衝煙莫作怱怱去擬看溪丁  
下釣筒  
明高啓汎南溪詩

曰山折水暫旋山開水仍往東陂  
匯初成秋色瀰然廣碧蘿花茸茸  
月映石壁上此夕試沿洄一理煙  
中舫

吳鼎芳前溪詩曰野風迎白衲隨  
步已前溪落日在流水遠山青不  
齊花寒聊自憚鳥倦偶然啼何處  
茶煙起



漁舟繫竹西

原賦宋謝靈運長溪賦曰潭結綠而澄清瀨揚白而戴  
華飛急聲之瑟泊散輕文之漣羅始鏡底以如玉終積  
岸而成沙

增記唐元結右溪記曰道州城西百餘步有小溪南流  
數十步合營溪水底兩崖悉皆怪石欹嵌盤屈不可名  
狀清流觸石洄懸激注佳木異竹垂陰相蔭此溪若在  
山野則宜逸民退士之所游處在人間則可為都邑之

勝境靜者之林亭而置州已來無人賞愛徘徊溪上為之悵然乃疏鑿蕪穢俾為亭宇植松與桂兼之香草以裨形勝焉溪在州右遂命之曰右溪刻銘石上彰示來者

增序唐柳子厚愚溪序曰灌水之陽有溪焉東流入于瀟水或曰冉氏常居也故姓是溪為冉溪余以愚得罪謫瀟水上愛是溪故更名之為愚溪夫水智者樂也今是溪獨見辱于愚何哉其流甚下不可以灌漑又峻急

多坻石大舟不可入也幽邃淺狹蛟龍不屑不能興雲  
雨無以利世而適類于余然則雖辱而愚之可也

壑一

增爾雅曰水通谷曰壑 禮記大蜡之祭辭曰土反其

宅水歸其壑 原山海經曰東海之外有大壑 列子

曰渤海之東不知幾億萬里有大壑實惟無底之谷

莊子曰藏舟於壑藏山於澤謂之固矣然而夜半有力  
者負之而走昧者不知也 離騷曰降望大壑 增馬

融長笛賦曰嶰壑澮

注小山別大山曰嶰澮深平貌

郭璞江賦

曰淙大壑與沃焦又曰豁之以洞壑

注洞壑海也

張協七命

曰畫長壑以為限

## 壑二

增左傳曰鄭伯有嗜酒為窟室而夜飲酒擊鐘焉朝至未已朝者曰公焉在曰吾公在壑谷國語曰叔魚生

母曰虎目豕喙鳶肩牛腹溪壑可盈是不可厭原莊

子曰諄芒東之大壑遇苑風于東海濱苑風曰子將之

大壑奚為夫壑之為物注焉而不滿取焉而不竭 增  
晉書曰明帝問謝鯤君方庾亮何如鯤曰端委廟堂使  
百僚準則鯤不如亮一丘一壑自謂過之 唐傳云李  
嗣業初討勃律也方通蔥嶺有大石塞隘以足蹶之抵  
穹壑識者以為至誠所感 隱逸序云唐興賢人在位  
衆多其遁者雖各保其素非托默于語足崖壑而志城  
闕也

壑三

原在

臨

孟子志士不忘在溝壑  
文選臨浚壑而怨遙

增聳

盪

房玄齡  
昂霄聳

壑 柳宗元  
文擊山盪壑

原通谷

藏舟

上爾雅  
子並見壑一  
下莊

可盈

宜置

上國語見前  
顧愷之  
謂謝鯤宜置丘壑中

增歸墟

成浦

列子  
大壑

無底之谷名曰歸墟

郭璞

貞觀

夙愛

謝靈運詩  
貞觀丘壑

美 沈約詩  
夙齡愛遠壑

爭譏

降望

孔稚圭  
北山移文曰列壑  
爭譏下離騷見壑一

欺我

笑公

又北山移文曰欺我雲壑  
下見左傳公在壑谷

無底

將

之上

詳列子  
下見莊子

陰竹

聞樵

張協七命尋竹竦莖陰其  
又雜詩溪壑無人迹

時聞樵  
采音

浮千仞

抱兩岑

謝靈運詩浮舟千仞壑  
李白詩兩岑抱東壑

寓耳目

蟠風霜

謝靈運詩岩壑寓耳目東坡枯木畫云胸中元自有丘壑故

黃山谷題

作老木蟠風霜

捨塵物

躋花界

謝靈運詩遺情捨塵物貞觀丘壑美韋應物詩填

壑躋

叩虛牝

平巨量

殷仲文游九井詩哀壑叩虛牝張說乾符頌斗水不能

花界

平巨壑之量

無人跡

度松聲

張協詩溪壑無人迹白詩萬壑度盡松風聲

李

壑四

原鄰壑

孟子鄰國為壑

必盈

易林遠壑必盈

增澆潏賈墜

相如上林賦臨

坻注壑澆潏賈墜

原巨魚縱

王褒聖主得賢臣頌沛乎若巨魚縱大壑

增錯繆

盤紆

張衡南都賦谿壑錯繆而盤紆

為之一磬

左思吳都賦谿壑為之一磬

登

翠臨丹

張協七命登翠阜臨丹壑

斂暝色

謝靈運詩林壑斂暝色

險過呂

梁

同上險過呂梁壑

未能廢

同上昔余樂京華未能廢丘壑

看雲

杜甫詩暮看雲

平壑

風吹面

同上步壑風吹面

千崖無人

同上千崖無人萬壑靜

崢

嶸鏡湖

李白詩萬壑與千巖崢嶸鏡湖裏

雲松埋

韋應物詩陰壑雲松埋

壑五

原賦梁簡文帝大壑賦曰渤海之東不知幾億大壑在焉其深無極悠悠既湊滔滔不息觀其浸受壯其吞匿歷詳衆水異導殊名江出濯錦漢出珠瑛海逢時而不



通河遇聖而知清嗟乎使夫懷山之水積天漢之流駛  
彭潛與渭濕俱臻四瀆與九河同至余乃知巨壑之難  
滿尾閭之為異


御定淵鑑類函卷三十三

謹案第十一頁後二行沃饒而近鹽注鹽產鹽池也刊本鹽並訛鹽據左傳及注改

第十一頁後四行固不許後人呼其處為蛟龍池按左傳無此文疑衍

第三十一頁後一行水汪汪而罷漲刊本罷訛羅據盆池賦原文改





總校官庶吉士臣張能照

校對官編修臣裴謙

謄錄監生臣金拔